



13  
1969  
18



門 1 3  
號 1969  
卷 18

~~門 1 3  
號 1969  
卷 25~~



原  
卷六  
十二蔬類

葱  
總論  
詳類  
紀異

韭  
總論  
詳類  
紀異

薑  
總論  
詳類  
紀異

蒜  
總論  
詳類  
紀異

蔥  
總論  
詳類  
紀異

芹  
總論  
詳類  
紀異

各款竟原目久蔬類

葵  
總論  
詳類

右合

蒜

薤

葱

苦菜

菘

蕨



早稻田大學圖書館  
冊 26.11.1 雙  
藏 書

薇

苜蓿

蘆菴

蔓菁

蒿苳

菠薐

諸菜

卷六十三 蔬類二

蕘

總論 詳類

異菌

毒菌

芋

總論 詳類

薯蕷

甘藷

百合

茨菰

荸薺

壺盧

瓜

附奇 總論 詳類

總論 詳類

異瓜

格致鏡原卷六十二

蔬類

總

爾雅菜謂之蔬亦曰藪不熟曰饑禮記仲秋之月命

有司勸民務蓄菜註菜以助穀之不及故收之為備

詩大雅其藪維何註藪菜也郭璞曰藪菜茹總名周

禮聚斂疏材鄭注疏材百草根實可食者枚乘七發

秋黃之蘇白露之茹金樓子秦始皇遣徐福入海求

金菜玉蔬梁書武帝大官常膳唯以菜蔬李緯秦

中歲時記二月二日曲江拾菜士民遊極盛夢華錄

立春日食生菜取迎新之意漢書西域傳罽賓地溫

和冬食生菜

魏志

倭國地溫和冬夏食生菜

清異

錄馬希範病酒厭膏膩袁居道曰大王今日使得貧家

纏齒羊詢其故則謂蔬茹也 豫章記宋字種蔬三十

品時雨之後按行園圃曰天苗此徒助子鼎俎 杜蘭

香別傳香降張碩賁七子標標多菜而無他味亦有世

間常菜輒有三種色或丹或紫并有非時菜 頌云食之

亦不甘然一食七八日不飢 清異錄有神曰紫相公

主一方蔬菜之屬所隸有天使主豐有辣判官主餘

葵

**總論**

說原蔬植三百六十葵為之長

幽風七月亨

葵及菽

說文葵菜也

周禮醢人饋食之豆其實葵

玉頌農書葵陽草

也 本草古人採葵必待露解故名露葵今人呼骨菜

潘岳閒居賦菜則綠葵含露 崔寔月令六月六日

可種葵中伏後可種冬葵九月作葵菹乾葵 齊民要

術種葵三十畝勝十頃穀今世葵有紫莖白莖二種春

必畦種水澆而冬種者氣 令從風飛去每雪輒一

勞之勞雪令地保澤葉 相必待露解收必待霜

降傷晚則黃爛傷早則黑澀也 農桑通訣葵為百菜

之主備四時之饌木豐而耐旱味甘而無毒供食之餘

可為菹腊枯枿之遺可為榜篋咸無棄材誠蔬茹之上

品也 蔬譜葵甚易生地不論肥瘠宜於不堪作田之

各文苑卷之二 蔬類 葵

地多種以防荒年採淪曬乾收貯博物志陳葵子微炒令爆吒散著熟地中逾踏之朝種暮生物類相感志犬死取葵根塞鼻良久乃活也

**葵**爾雅蓋苦堇註今堇葵也葉似柳子如米為食之滑爾雅菘菹葵註菘一名菹葵似葵而小葉狀如

藜有毛灼啖之滑本草唐注兔葵苗如石龍芮葉小光澤花白似梅莖紫煮汁極滑堪噉所在平澤皆有之

廣雅歸丘葵也楚辭紫莖屏風文緣波些註屏風水葵也生於池其莖紫色本草圖經冬葵苗葉作菜

茹更甘美食醫心鏡龍葵作羹粥食之並得圖經龍葵惟北方有之北人謂之苦葵本草唐注龍葵即

關河間謂之苦菜者葉圓花白但堪煮食不任生噉格物論菜葵為百菜主味甘性滑夏種秋採者為秋葵秋種冬採者為冬葵正月復種者為春葵最小者名鴨脚葵

菘

通雅菘亦菜之總各州韻曰秋末晚菘晚菘即今之白菜陸佃埤雅菘性凌冬不彫四時長見有松之操本草以為久耐霜雪也格物論菘有二種有春菘有秋菘性和利以菘種北地即化為蕪菁以蕪菁種南地即化為菘清異錄江右多菘菜葉筒者惡之罵曰筒奴菘妾菜譜菜中有菘最為常食其子可作油傅頭長

髮塗乃不縮段成式食品有蒲菜菘全芳備祖

楊誠齋名白菜為水晶菜本草最肥大者名牛肚菘

正字通今南京京口之菘為上曰箭筈白又四月菘

即油菜開花黃如金摘心為菜茹其旁心結子可榨油

又菘即今蹋菜歲暮生皆蹋地不起蔬譜北京人取

入窖壅培不見風日長出苗葉皆嫩黃色脆美無滓謂

之黃芽菜飛菘漫筆杭州俗呼黃矮菜為花交菜謂

近諸菜多變成異種民間嘗以此嘗人如魚中之鮓也

事物原始菘菜似升麻蒸食之本草菘一名菘

達菜菘菜菘菜似升麻蒸食之本草菘一名菘

菘菜菘菜菘菜似升麻蒸食之本草菘一名菘

內則魚膾芥醬又膾飲用茶字說芥者界也發汗

散氣界我皆也農書芥氣味辛烈菜中之介然者

吳氏本草芥菘一名水蘇一名勞祖蔬譜青芥葉大

了粗葉似菘有毛味辣可生食紫芥莖葉純紫作莖最

美白芥一名胡芥一名蜀芥高三三尺葉青白色為茹

甚美莖易起而中空性脆畏狂風大雪他如南芥刺芥

旋芥馬芥花芥石芥芸薹芥之類皆菜之美者又大芥

名皺葉芥大葉皺文色綠味辛冬食者俗呼臘芥春食

者春芥四月食者夏芥芥心嫩莖謂之芥藍物類相

感志收芥菜子宜隔年者則辣學圃雜疏芥多種以

春不老為第一劉恂嶺南異物志南土芥高五六尺

菘菜菘菜菘菜似升麻蒸食之本草菘一名菘

菘菜菘菜菘菜似升麻蒸食之本草菘一名菘

菘菜菘菜菘菜似升麻蒸食之本草菘一名菘

菘菜菘菜菘菜似升麻蒸食之本草菘一名菘

菘菜菘菜菘菜似升麻蒸食之本草菘一名菘

菘菜菘菜菘菜似升麻蒸食之本草菘一名菘

菘菜菘菜菘菜似升麻蒸食之本草菘一名菘

子大如雞子。〔花木考〕廣州人以巨芥為鹹菹埋地中三十年貴尚親賓以相遺餽。〔西陽雜俎〕未冬國有掌中芥。互見草類。

蔥

〔補禮〕凡進食之禮蔥法處末。〔內則〕噲春用蔥。又脂用蔥。又切蔥若薺實之醃以菜之。〔滄異錄〕蔥能相調衆味名和事草。〔本草〕細目蔥一名薺伯。〔埤雅〕桂得蔥而軟。蔥葦菜也。五葷錄形蔥其一也。〔齊民要術〕種蔥良地三剪薄地再剪八月止不止則蔥無袍而損白蓋蔥肉曰白其青謂之袍。〔崔寔月令〕三月別小蔥六月別大蔥。夏蔥曰小冬蔥曰大。〔晉令〕居洛陽內

園菜其引長流灌紫蔥丁各三畝。〔地鏡〕蔥下有銀光隱隱白山有蔥石下有銅若金銀也。〔西河舊事〕蔥嶺在嶽皇西其山生蔥。

〔爾雅〕蒼山蔥。〔郭註〕細莖大葉。〔本草〕入藥用山

蔥。胡蔥食用凍蔥。漢蔥能消穀。〔蔬譜〕初生曰蔥針。葉曰蔥青。一種凍蔥即冬蔥。夏衰冬盛莖葉氣味俱軟美。分莖栽蒔而無子人稱慈蔥。又稱大官蔥。謂宜上供也。一種漢蔥者未成叢冬即枯。一種胡蔥狀似大蒜而小。又名蒜蔥。又名回回蔥。生沙地者名沙蔥。又有一種樓蔥人呼為龍角蔥。每莖上葉出岐如八角故名。〔滄異錄〕盤盞蔥。趙魏間有之。幾如拄杖。纒但盈尺耳。〔唐書〕

西域泥婆羅貞觀中遣使入獻。渾提蔥。事物原始。吉州有水晶蔥。漢武內傳。西王母曰。仙人上藥有玄。綺蔥。吳均餅說。河東長若之蔥。

物類相感志。浣川有孤山。山有蔥如人所種。人時往取。按輒斷絕。請神而求。不投目出。搜神記。新野趙貞家園中種蔥。忽一日盡縮入地。後歲餘。貞之兄弟相次分散。升菴外集。晉時長安僧寺。蔥化為莖。

蒜

說文。蒜。葷菜也。夏小正。十二月納卵蒜。古今注。蒜。卵蒜也。俗謂之小蒜。胡國有蒜十許子。其一顆。擇裹之名。胡蒜。幸於小蒜。俗因呼為大蒜。孫愐唐韻。漢張騫

使西域始得大蒜。種歸中國。說譜。小蒜一名澤蒜。又有石蒜。爾雅。葑山蒜。那疏。蒜生山中者名葑。升菴外集。葑菜名。生水邊。溫州有之。名沙蒜。事物原始。葑俗名老鴉蒜。清異錄。五代宮中呼蒜為麝香草。書。潤州京口有蒜山。多出蒜。魏志。華佗見一人病咽塞。嗜食而不得下。語之曰。向見賣餅家蒜齏。大酢。從取三升飲之。病自當去。即如佗言。立吐蛇一枚。物類相感志。孫炎云。帝登嵩山。遭蒼茅草毒。將死。得蒜乃齧之。解毒。乃收藏。植能利豚魚之毒。穢諸腥羶矣。本草。陳藏器曰。昔有患疰癖者。取大蒜合皮。截去兩頭。吞之名曰內灸。果獲效。志雅堂雜抄。金花定椀用大蒜汁調。



金指畫然後再入窰燒牙不復脫

韭

呂氏春秋堯時天降精為韭詩幽風獻羔祭韭禮

記韭曰豐本周禮醢人朝事之豆其實韭菹爾雅

翼韭者嬾人菜以其不須歲種也本草韭是草鍾乳

莖名韭白根名韭黃花名韭菁薤之美在白韭之美在

黃黃乃未出土者埤雅韭性內生根喜上跳故種與

葵同法而畦欲極深齊民要術韭高三寸便剪一歲

之中不過五剪凡剪不宜日中飛菴漫筆韭菜最忌

零陵香輒消死爾雅菹音山韭邢疏韭生山中者名

菹彙苑山韭生大伾山石罅中可療心疾或曰唐徐

勳遺種也北戶錄水韭生池塘中葉似韭有二三又

者五六月堪食不葷而脆字林慈水中野韭也木

草諸葛韭諸葛亮所植韭更長孝文韭生塞北山谷中

狀如韭魏孝文帝所植四民月令八月收韭菁擣作

齏郭璞爾雅注俗呼韭根為蔞劉基菜窩說植韭

以為之君韭者久也所以久吾生也不真語務光服煎

韭以入清冷之淵郭林宗別傳林宗有友人夜冒雨

至剪韭作炊餅今洛人效之晉書石崇每冬月得韭

萍齏是擣韭根雜以麥苗耳南史文惠太子問周顒

菜食何味最勝顒曰春初早韭南史庾杲之清貧食

惟有韭菹淪韭生韭雜菜任昉嘗戲之曰誰謂庾郎貧

食鮮嘗有二十七種。雞跖集李崇為尚書令食嘗無肉止有韭茹韭菹。李元祐謂人曰李令公一食十八種人問故元祐曰二韭十八。清異錄杜頤食不可無韭人或候其僕市還潛取棄之頤怒罵曰安得去此一束金也。齊諧記江夏安陸縣郭坦有兒忽病後日食斛餘米五年遂至罄貧乃令自覓食既不可忍後門有三畦韭一畦蒜因啣兩畦便大悶極臥地大吐吐一物似龍漣大撮飯著所吐物上即消成水病遂差。水經注很縣東亭村北山甚高峻上合下空傍生野韭人往乞者神許則風吹別分隨偃而輪不得過越。漢武內傳西王母曰仙之次藥有八阮赤韭。

薤

禮少儀為君子擇蔥薤則絕其本末。註為有須乾者絕之。內則膏用薤。爾雅薤同鴻蒼郭註即薤菜。邢疏本草謂之菜芝是也。本草薤江南呼為藟子。別名莖。西陽雜俎蔬薤白華一名守宅一名家芝。爾雅藟山薤。邢疏葉似韭。農書野薤俗名天薤。生麥原中葉似薤而小味益辛亦可供食。洞冥記烏哀國有龍爪薤長九尺色如玉和紫桂為丸服之不飢語曰薤和膏身生毛。列仙傳昔人有隱華山服亢。薤之葉以成亢。薤之精久而服之乃為羽化。无上秘要五光七白靈蔬者薤菜也法當種薤菜使五月五日不掘按者唯就

鋤壅護治之經涉五年中乃取任藥各為五光七白靈蔬

酉陽雜俎仙藥有八天赤薤列仙傳務光服蒲

薤根埤雅薤宜白輒良地種法一本率七八支諺曰

蔥三蠶四言種蔥者三枝一科謹卽四之也支多者科

輒圓大故以七八為率本草衍義薤葉狹而光古人

言薤露以其光滑露易墜也農書薤生則氣辛熟則

甘美種之不蠹食之有益晉書庾亮噉薤留白云可

以種酉陽雜俎山上有薤者下有金

薤

春秋運斗樞璇星散而為薤禮諸侯燕食所加三十

一物終薤桂檀弓曾子曰喪有疾飲酒食肉必有草

木之濕焉以為薤桂之謂也史貨殖傳干畦薤與干

戶侯等說文薤樂濕菜也王安石字說薤同疆我

者也於毒邪臭腥寒熱皆足以禦之清異錄生薤名

百辣雲葇荑詳註薤一名番韭方言薤之小者謂

之穰菜朱晦菴咏子薑詩注本草載薤久食去臭氣

通神明或云傷心氣不可多食者非正字通因其新

芽曰子薑或因其初生如刈指狀尖色微紫曰紫薤宿

根復種為母薤格物論薤葉似竹箭葉而長兩兩相

對苗青根黃無花實呂氏春秋和之美者陽濮之薤

洪綏俞老圃賦醴糟紫薤之芽異物志廉薤生沙

石中南人以爲薤鄭樵曰似山薤而根大志林唐人

煎茶用薑  
清異錄釋鑿與天台山居頌糖雲上筋謂  
糖薑也

萎

韻略萎香菜也  
蔬譜根軟而白多鬚綫綫然故謂之  
萎  
博物志張騫使西域得胡萎俗呼葎萎  
鄴中記  
石勒改胡萎為香萎今呼為鹽萎  
格物論胡萎根苗  
莖葉皆細可作羹冬蔬也一種石胡萎止堪入藥非此  
江南野錄俗傳種胡萎口誦猥語則茂皇祐館閣中  
或談論則曰宜撒胡萎一蓬

薺

詩國風其甘如薺  
本草薺生濱海故謂之薺釋家取

其莖作挑燈杖可辟蚊蠅謂之護生草  
爾雅薺莫大  
薺註薺葉細俗呼之曰老薺又薺薺實  
食物本草小  
者為薺大者為薺莫又名薺薺又名大薺  
邢昺爾雅  
疏薺味甘人取其葉作菹及羹亦佳  
師曠古術歲飲  
豐甘草先生謂薺也  
通志薺甚小自生園圃  
郭滄  
高力士外傳力士流巫州見薺菜土人不解弊賦詩云  
兩京秤斤買五溪無人采夷夏雖有殊氣味應不改使  
拾之為羹甚美  
東坡與徐十三書今日食薺甚美天  
然之珍不甘於五味而有味外之美  
陳達叟蔬食譜  
東坡有食薺法且曰天生此物為幽人山居之福  
野  
菜譜江薺臘月生又有倒灌薺碎米薺蒿柴薺掃帚薺

〔正字通〕正二月開花名蝸螺薺俗呼地英菜

莧

易夬五爻莧陸夫夫宋衷注莧菜柔脆之物程子易傳陸馬齒莧也爾雅蕒赤莧郭註赤莧一名蕒今莧菜之赤莖者也張揖廣雅蕒音耳馬莧也學齋佔畢董遇注易曰莧人莧也余意世有稱馬齒莧者故以人字別之及見本草云莧實一名馬莧行義曰苗又謂之人莧紅色者謂之紅人莧後又別載馬齒莧然後詳人莧馬莧之別高濂野菽品野莧夏采熟食拌料炒食俱可比家莧更美蔬譜赤莧一名花莧又紫莧色白而大者名白莧又野莧謂之細莧一名胡莧北方呼為

棟莧又黑汁者各墨莧又馬齒莧苗與家莧別一名五方細珠方草一名長命縷一名九頭獅子草又俗呼青箱苗為雞冠莧亦可食奇書馬齒莧一名醬瓣草

紺珠鼠齒莧灰莧字說莧除醫孟貫藥性論序紅

莧為破蠶之還丹方書青泥殺蠶得莧復生故食蠶忌食莧博物志五六月取生蠶到如綦子搗赤莧汁

合和以茅包之投地中經旬鬱成蠶

芝田錄隋煬帝改各茄子為崑崙紫瓜方家治瘡方謂之草蠶甲格物論茄儿三色青紫白一名落蘇五代貽子錄作酪酥清異錄落蘇各崑崙味西陽雜俎茄

子熟者食之厚腸胃動氣發疾根能理竈疾足根凍瘡  
 南茄子宿根成樹高五六尺有新羅種者色稍白形如  
 雞卵花木考大食國茄樹高丈餘經三四年不率子  
 大如西瓜重十餘筋以蠟搗之物類相感志茄樹開  
 花時取葉布路旁以灰圍之則結子多謂之嫁茄黃  
 山谷集茄之老者如穀名穀子茄又有謝送銀茄詩  
 滇南雜記緬茄出緬甸大而色紫蒂圓整蠟色者佳今  
 會城絕不可得多以小者於蒂上刻人物鳥獸之形過  
 滇中者多市之而滇人亦以此贈遠蔬譜白者名湯  
 海茄大如甌又一種白而扁謂之番茄一種水茄形稍  
 長甘而多津南史梁蔡樽在吳興齋前自種白莧紫

茄以為常餌農書茄視他菜最耐久供膳之餘糟鹽  
 豉醋無所不宜須廣種之

苦菜

禮月令孟夏苦菜秀爾雅荼苦菜疏味苦可食之菜  
 也一名茶草一名選一名游冬陸璣詩疏苦菜生山  
 田及澤中得霜甜脆而美所謂莖茶如飴內則云濡豚  
 包苦用苦菜是也易緯苦菜生於寒秋經冬歷春乃  
 放顏氏家訓茶葉似苦苣而細斷之有白汁唐本  
 草注吳葵卽關河間謂之苦菜者升菴外集俗作鶯  
 兒菜又名野苦蕒

蕒

詩魯頌言采其茹。陸疏江東或謂之水葵。朱註茹鳧葵也。江南人謂之蕁菜。埤雅蕁遂水性滑故謂之淳菜。顏氏家訓蔡朗父諱純述呼蕁菜為露葵。庶物異名疏。顰韻藻謂即蕁菜又名水葵。蔬譜一名錦帶。一名馬蹄草。齊民要術蕁性易生種以深淺為候水深則莖肥葉少水淺則葉多莖瘦。格物論蕁生水中葉似鳧葵一名懸葵。春生莖而未生葉各雜。尾蕁細長肥滑。三月至八月葉舒長細如錢股名絲蕁。九月至十一月名猪蕁。一名龜蕁。又有石蕁絲最繁。偃曝談餘春蕁如亂髮不足異。秋蕁長丈許凝脂甚滑。季鷹秋風正饑此也。墨莊漫錄杜子美祭房相國九月用蕁餅。

之羹。蕁生於春至秋則不可食。不知何謂而張翰亦以秋風動而思蕁。鱸鱸固秋物而蕁不可曉也。長箋入秋為油蕁。雞跖集蕁入七八月不中食有蝸蟲故也。至十月冰凍蟲死雖老猶可食。酉陽雜俎蕁菜之根絕美。江東謂之蕁龜。野客叢談陸機曰千里蕁羹。千里地名在建康境上其地所產蕁菜甚佳。

蕁

周禮食醫魚宜菰。菰同。說文蔣菰也。廣雅蔣菰其米曰彫胡。西京雜記太液池雕胡紫籜綠節菰之有首者謂之綠節。彙苑蔣又名菱白。葉如蒲葦中心生白臺如小兒臂為菰米臺中有黑者為烏鬱。下學處曰菰。

葍苗莖硬者曰葍。蔣秋實即彪胡米也。雷青日札烏  
鬱俗名灰菱。自有一種米菱。其不能結實者菱白也。  
學圃雜疏菱白以秋生。吳中一種春生曰呂公菱。以非  
時為美。初出時煮食甜軟。據爾雅翼云。葍即葍蔣之類。  
曰葍首者。即今之菱白也。然葍實有米而今菱白未聞  
有之。或者野菱乃生米也。廣志葍可以為席。溫於蒲  
升菴外集管子謂之雁膳。以雁食之也。

爾雅芹楚葵。郭註今水中芹菜。詩經言采其芹。周  
禮醢人加豆之實芹菹兔醢。呂氏春秋菜之美者雲  
夢之芹。本草注荻芹取其根白色赤芹取其莖葉堪

作菹。又有馬芹俗謂胡芹其子可調飲食。蔬譜旱芹  
生平地紫芹生陰崖陂池近水石邊。本草水芹。各  
水英。陶注二月三月作英時可作菹及淪食之。又有渣  
芹可為生菜亦可生噉。爾雅翼白芹舒蕪多有之。土  
人呼為白芷。龍城錄魏徵好嗜醋芹。

蕨

詩名南言采其蕨。爾雅蕨鼈蔬。蕨一名鼈。初生無葉  
可食。陸璣草木疏蕨山菜也。周秦曰蕨。齊魯曰鼈。初  
生似蒜莖紫黑色。埤雅蕨狀如大雀拳足又如足之  
蹙。故謂之蕨。俗云初生者亦類蟹脚。故亦名蟹也。廣  
雅此蕨也。本草紫蕨似蕨有花而味苦。謂之迷蕨。



三蒼謂之紫蕨。格物論蕨根如紫草莖亦青紫色未  
如小兒拳二三月山中人採作茹食之。曲洧舊聞具  
茨山亦產蕨採藥者曰其根即黑狗脊也具茨人雖採  
蕨為蔬茹然不知其名但呼為小兒拳。搜神記郗鑒  
出獵有甲士折一莖蕨食之成疾吐出一小蛇懸屋前  
漸乾成蕨乃知此物不可生食。窮幽記猿啼之地多  
蕨每一聲遽出萬莖。

薇

史伯夷傳登彼西山兮采其薇矣。儀禮公食大夫禮  
錮芼豕以薇。爾雅薇垂水。邢昺疏草生於水濱而枝  
葉垂於水者曰薇也。草木疏薇山菜莖葉似小豆莢

生味如小豆藿可羹亦可生食今官園種之以供宗廟  
祭祀。本草薇有二種生原谷似柳葉者白薇也生水  
傍葉似萍者薇也。朱子詩傳薇似蕨而差大有芒而  
味苦山間人食之謂之迷蕨。月令廣義薇即今灰條  
菜紅者佳白曰蛇灰有毒。演繁露說文薇似藿藿豆  
也豆葉本圓而末尖皮微皺澀薇葉正與之肖山中極  
多吾鄉俗呼苦遮味苦以葦火肉最相諧宜其苗春則  
盛發至秋老硬然不萎死雖雪中亦可采也采薇之詩  
曰薇亦作止謂春而苗茁也薇亦柔止謂及夏而天脆  
也薇亦剛止謂霜露降而苗葉堅勁也。拾遺記咸寧  
中立芳蔬園於金墉城東多異菜有菜曰雲薇有實如



品 後漢劉盆子傳掘庭中蘆葍根食之 澄懷錄劉  
 禹錫餽白樂天蘆葍鮮換取六斑茶 東坡雜記偏頭  
 蔞方用生蘿蔔汁一規敷注鼻中即愈 清異錄王夷  
 不許子弟仕宦止命種火田玉乳蘿蔔壺城馬面菘每  
 年可致十緡 金幼孜北征錄交河北有沙蘿蔔根長  
 二尺許 蔬譜水蘿蔔淡脆可生食 奇書胡蘿蔔元  
 時始自胡地來 蔬譜生沙壤者脆而甘生瘠地者堅  
 而辣可生可熟可菹可醬可豉可醋可糖可腊蔬  
 之最有益者 洞微志齊州有人病狂云夢中見紅裳  
 少女引入宮殿中其小姑令歌遂歌云五靈樓閣曉玲  
 瓏天府由來是此中惆悵悶懷說不盡 一丸蘿蔔火吾

宮一道士解之云少女心神小結脾神火毀也醫經言  
 蘿蔔制麪毒故口火吾宮此犯大麥毒也以藥並蘿蔔  
 治果愈

蔓菁

詩國風采芣采菲註葍蔓菁也 蔬譜蔓菁一名蕪菁  
 呂氏春秋菜之美者具區之菁 草木疏蔓菁幽州  
 人或謂之芥 埤雅今俗謂之臺菜 劉禹錫嘉話錄  
 諸葛武侯將軍所止必令兵士皆種蔓菁云有六利纔  
 出甲可生啖一也葉舒可煮二也久居則隨以滋長三  
 也棄不令惜四也回即易尊而采之五也冬有根可劓  
 食六也故蜀人呼蔓菁為諸葛菜 蔬譜人久食蔬菜

無穀氣卽有菜色食蔓菁者獨否蔓菁四時皆有四時皆可食春食苗初夏食心亦謂之蔓秋食莖冬食根數口之家能蒔數百本亦可終歲足蔬子可打油然燈甚明每畝根葉可得五十石每三石可當米一石是一畝可得米十五六石則三人卒歲之需也  
〔本草〕李時珍曰別錄以蔓菁蘆菔同條致諸說猜度或以二物爲一種或謂在南爲萊菔在北爲蔓菁今按二物根葉花子俱別非一類也蔓菁是芥屬蘆菔是菘屬  
〔酉陽雜俎〕婺州僧清簡園中蔓菁變爲蓮  
〔爾雅翼〕蔓菁園中無蜘蛛是其所畏也

高苣

清異錄高苣名千金菜尚國使者來隋人求得菜種酬之甚厚故名  
〔格物論〕高苣菜有白苣葉有白毛有紫苣有苦苣卽野苣也味苦又名福苣今人家常食者白苣江外嶺南無自苣嘗植野苣以供廚饌  
〔蔬譜〕高苣四月抽莖高三四尺剝皮生食味清脆糟食甚佳江東人謂之苣筍  
〔學圃雜疏〕高苣絕盛於京口鹹食脆美卽旋摘烹之亦佳  
〔本草〕高苣有毒百蟲不敢近蛇虺觸之則目瞑不見物人中其毒薑汁解之  
〔類山〕胡扇卽苦苣菜

菠薐

本草菠薐一名波斯菜一名波斯菜一名赤根菜  
〔唐會

要貞觀中泥婆羅國獻菠薐酢菜嘉話錄菠薐本自

西域中來韋絢曰豈非出頗稜國而語訛為菠薐耶

清異錄鍾謨嗜菠薐菜文其名曰雨花菜又以蔓蒿菜

蕨菠薐為三無比格物論菠薐莖微紫葉圓而長綠

色性冷利五臟通腸胃蔬譜菠薐菜味甘美四月起莖

尺許開碎白花有雌雄雌者結實種樹書菠薐過月

朔乃生今月初一二間種與二十七八間種者皆過來

月初一乃生

諸菜

陸璣詩疏莫莖大如箸赤節節一葉似柳葉厚而長有

毛刺味酢而滑始生可為羹又可生食五方通謂之酸

迷蕪州人謂之乾絲河汾之間謂之莫邢昺爾雅疏

菲一名蕪菜郭云生下濕地似蕪菁華紫赤色可食

爾雅蕪菁隱葱郭璞注似蘇有毛蔕以為蕪亦可瀹食

爾雅蕪菁竊衣疏蕪菁一名竊衣似芹可食實如麥兩

兩相合有毛著人衣俗名鬼麥齊民要術蕪菜味辛

苽菜似蒜生水中菹菜紫色有藤蕪菜葉似竹生水旁

蕪菜似蒼確菜似烏韭而黃蒼菜生水中大葉呂氏

春秋菜之美者雲夢之葢廣雅葢似蕪生水中南方

草木狀縹菜夏月生池沼間葉類茨蕪根如藕食之思

睡呼為瞋菜又蕪菜葉如落葵而小性冷味甘南方之

奇蔬也冷葛有大毒以蕪汁滴其苗即萎死世傳魏武

噉治葛至一尺云先食此菜  
漢武內傳西王母曰仙  
之上藥有碧芝琅菜  
呂氏春秋餘蓄之南有菜名嘉  
樹其色若碧  
異苑晉安平有越王餘蒜菜長尺許白  
者似骨黑者如角古云越王曾於舟中作籌算有餘者  
棄之水而生焉  
唐書貞觀中健達王獻佛士菜一莖  
五葉赤葉紫鬚  
西陽雜俎江淮有孟娘菜並益肉食  
盧氏雜記番禺有菜四葉相對晝開夜合名合歡菜  
雲南志蓮花菜出大理府洱河東上滄湖相傳大士  
化箭鏃所成  
松漠紀聞女真國採白勺藥之芽為菜  
以麵煎食之其味晚美  
嶺南志龍菜似椿樹頭  
有刺似白芥菜  
廣州記雞侯菜似艾二月生宜雞羹

故名  
天中記安南有羞菜蔓生水上甘美可食人指  
之曰汝羞否卽時憔悴人去青如初  
華夷花木考龍  
鬚菜出萊州繁生海中石上莖如縉色始青取之沃以  
水乃白一名縉菜又高河菜點蒼山高河泉所出高河  
乃龍湫若高聲採之則雲霧風雨  
廣州記冬風菜陸  
生宜配肉作羹  
海錄碎事醍醐菜似道人頭根如  
水芹味甘香  
本草醍醐菜似牛皮蔓生指之有乳汁  
出香甜入頂又有莖菜茅膏菜金針菜劉隱菜  
遁甲  
開山圖遼東有襄平山多饒鬼目之菜生而有神虎龍  
蛇大魚守之雲氣覆之食之令人不死  
晉書吳天紀  
三年建鄴有鬼目菜于工黃狗家生依綠棗樹長丈餘

莖廣四寸厚二分又有賈菜生工吳平家高四尺如枇杷形上圓徑一尺八寸莖廣五寸兩邊生葉綠色草木狀合浦有菜名優殿以豈醬茹食之甚香美藁苑羅漢菜出蘄州三角山又名石花菜一名填枝即越中鹿角菜之類庶物異名疏謝華啓秀云燕蓐蔬嶺南名燕窩菜海燕拾海上無毒香蔬結巢燕去巢後人取而煮食之其味芳香脆美在百蔬之上按此別是一種非今之燕窩也王世懋閩部疏燕窩菜竟不辨是何物漳海邊有之蓋海燕所築銜之飛渡海中翮力倦則擲置海面浮之若杯身坐其中久之復銜以飛多為海風吹泊山澳海人得之以貨升菴外集淡菜絕類女殺

遜齋閒覽蕘菜來自東夷古倫國以蕘盛之澤不通但言蕘菜事物原始金線菜即今之金線白頭菜也

東坡詩序菜之美有吾鄉之巢故人元脩嗜之因謂之元脩菜放翁詩序巢菜乃蜀蔬大巢豌豆之不實者小巢生稻畦中所謂元脩菜是也吳中名漂搖草一

各野蠶豆坡詩注燕脂藤菜滑美大類蓴

藁苑石髮吳越有之羅者為上彼國呼為金毛

菜益部方物略記真珠菜戎瀘等州有之生水中小上翠縷纖蔓首貫珠蜀人以蜜熬食之或以醯煮可致數千里不壞紺珠海絲菜出遼東藤菜出豐湖紫菜

生海中石上野菜譜四明有菜名雪裏蕪雪深諸菜

凍損此菜獨青又有破破衲瓜瓜兒絲蕎蕎板蕎蕎猪  
 殃殃油灼灼看麥娘燕子不來香燈蛾兒天藕兒狗脚  
 迹猫耳朶鴈腸子老鸛筋諸菜名食之亦以...  
 菜...益...  
 香小菓至...  
 女衣...  
 東...  
 格致鏡原卷六十三終

格致鏡原卷六十三

蔬類二

蕈 附木耳 蘑菇

**蕈** 爾雅中。蕈。菌。郭註地。蕈似蓋。今呼土。菌可啖。一  
 名。馗。廚。孫炎曰。地。蕈。子。或。各。地。雞。亦。各。獐。頭。潛。夫。論。  
 中。堂。生。負。苞。注。負。苞。朽。木。菌。也。說。文。蕈。桑。蔞。也。謂。菌。  
 生。木。上。也。呂。氏。春。秋。和。之。美。者。越。駱。之。菌。北。史。魏。  
 正。始。二。年。八。月。有。物。出。於。太。極。之。西。序。崔。光。以。為。案。其。  
 形。卽。莊。子。所。謂。蒸。成。菌。者。也。又。云。朝。菌。不。知。晦。朔。雍。門。  
 周。所。稱。磨。蕭。斧。而。伐。朝。菌。指。言。蒸。氣。鬱。長。非。有。根。種。柔。  
 脆。之。質。彫。頹。速。易。不。延。旬。月。無。擬。蕭。斧。又。多。生。墟。落。穢。

格致鏡原卷六十三 蔬類 蕈



濕之地罕起殿堂高華之所而茲菌歛構厥狀扶蘇誠足異也  
西陽雜俎宋州莆田縣破崗山唐武宗二年巨石上生菌大如合簣莖及蓋黃白色其下淺紅盡為過僧所食云美倍諸菌

陳仁玉菌譜合葷出仙居韋羌山褐色肌理玉潔薺味發釜鬲開百步外凡菌皆無香獨合葷香與味稱始名台葷昔嘗土進標以台菌上遙見誤讀作合因承誤云年來既充苞貢山獠得善償率曝乾以售罕獲生致孟溪山中亦同時產惟葷柄高無香氣土人以此別於韋羌焉稠膏葷出邑西北孟溪山秋中雨露浸釀山膏木腴蓓為菌花駸駸多生山頂樹杪初圓瑩類輕

酥滴乳淺黃白色味尤甘服已乃傘張大幾掌味頓渝矣春時亦間生稠膏得各謂稠木膏液所生也鬻法當徐下鼎沸伺涓沸漉起謹勿七撓撓則涎腥性參和衆味而特全於酒或欲致遠則復湯蒸熟貯之瓶罌栗殼葷寒氣至稠膏將盡則栗殼其續也松葷生松陰採無時竹葷生竹根味極甘麥葷多生溪邊沙壤鬆土中俗名為麥丹味殊美絕類北方摩姑玉葷生山中初寒時色潔皙如玉作羹微韌俗名寒蒲葷黃葷叢生山中梳鬱黃色俗名黃纘葷又有各黃狔者殊峭硬有味紫葷頰紫色俗名紫富葷品為下四季葷生林木中味甘而肌理麤峭不入品鵝膏葷狀類鵝子久乃繳開味殊甘

滑然易與杜葷相亂。潘之恒廣菌譜：杉菌出宜州生積年杉木上。雷葷出廣西橫州。雷過即生，須疾採之，稍遲則腐。或老天花葷，出五臺山，形如松花而大於斗。西陽雜俎：江淮有竹肉，味如白樹雞，一名竹葷。荆溪疏：竹茹葷也，小如錢，赤如丹砂，風味極佳。本草：藟菌。李時珍曰：當作萑，乃蘆葷下所生菌也。清異錄：保太中村民於爛木上得菌，幾一擔，狀如蓮花葉而色赤黃，因呼題頭菌。正字通：冬春之交，所楮楠木以米汁沃之，而生兩雪，多則盛香者曰香葷，出閩粵北方有磨菽羊肚，俗曰地葷。稽神錄：豫章人好食葷，有黃姑葷者，尤為美味。成都記：綿州淨慧寺近池人多捕魚為業。

曾惠寬與受戒，且曰：爾輩不當以此為給，吾能令汝所得不失於舊。因指其池畔，盡生菌，葷漁人採之，省力得利。後人呼為和尚葷也。升菴外集：雞菌如雞冠也。故雲南各佳菌曰雞，塢鳥飛而斂足，菌形似之，故以雞名有以也。七修類藁：雲南土產地葷，詩書本菌子也。而方言謂之雞宗，以其同雞烹食至美之故。予問之士人云：生處蟻聚，叢之蓋以味香甜也。物類相感志：葷生西海曲中，翅蔓長百餘尺，細葉而葩大如孟椀，紫赤色，夜沈於水，實如雞卵白色。雲仙雜記：齊文宣帝凌虛宴，取香菌以供，品味有銅釘菌、分絲菌。

**異菌**

內觀日疏：謝幼貞嗜菌，庭中忽生一菌，狀若飛。

鳥沈子玉曰此謂禽芝以處女中單覆之則活煮食之可數百歲謝入取中單有鄰女乞火跨之即飛去謝但嘆恨而已 珍珠船李涼公鎮朔方有毗園樹下產菌一本其大數尺上有樓臺中有二叟對博刻成三字曰朝榮觀公令毗掘地數尺有巨鱗目光如鏡吐沫成菌

**毒菌**

菌譜杜菌生土中俗言毒蠶氣所成食之殺人凡中其毒者必笑解之宜以苦茗雜白礬勺新水咽之立愈 避暑錄楓樹菌食之笑不止俗名笑菌 清異錄菌有一種食之令人乾笑者士人戲呼為笑矣平 陳氏拾遺南夷懸尸於樹汁滴入地主菌子收之各菌

藥毒人至酷 北夢瑣言江夏漢陽縣出毒菌號茹菌非茅蒐也每歲供進縣司常令人於田野間候之苟有此菌即立表示人不敢從下風而過避其氣也採之日以竹竿菱倒遠捨竿於地毒氣入竹一時爆裂直候毒歇仍以樺柳皮蒙手以取用鹽包之亦樺柳皮重裹縣宰封印而進其資致役夫倍給其直為其道路多為毒薰以致頭痛也張康隨侍其父宰漢陽備言之人有為野菌所毒而笑者煎魚樵汁服之即愈僧光遠說也 五雜俎凡菌為羹煎人無影者不可食夷堅志載金溪田僕食葷嘔血死唯丘岑幸以痛飲而免葢酒能解毒也

木

木菌一名樹雞一名木蠟亦曰木蠟  
煮而細切之和以薑橘可為菹滑美  
榆柳槐木上六月多雨則生桑上生白耳各桑鷓叉石  
耳生廬山石上似木耳  
西陽雜俎郭元振嘗山居中  
夜有人面如盤瞋目出於燈下元振了無懼色徐染翰  
題其頰曰久戍人偏老長征馬不肥元振之警句也題  
畢吟之其物遂滅久之元振隨樵閑步見巨木上有白  
耳大如數斗所題句在焉

蕻菜

高濂野菘品採取曬乾生食作羹美不可言竹  
茹更鮮美  
廣菌譜本小末大白色柔軟其中空虛俗

各雜

芋

總論

援神莖仲冬昴星中收芋  
本草一名土芝一

各蹲鴨  
前漢食貨志卓氏曰岷山之沃野有蹲鴨至

死不飢乃求遷於臨邛  
註芋魁狀若鴨蹲坐故名  
說

文芋齊人呼為莒  
廣雅青烏芋也  
詞林海錯康巢

縣呼芋頭為天  
河生  
東方朔傳關中土宜薑芋  
翟

方進傳王莽時汝南鴻隙陂童謠曰飯我豆食羹芋魁

澄懷錄李華燒三城絕品炭以龍腦裹芋魁煨之擊

爐曰芋魁遭遇矣  
影燈記洛陽人家上元各造芋郎

君食之宜男女  
東坡集芋過出新意以山芋作玉糝

羹。蔬譜吳郡所產大者謂之芋頭。嘉定名之博羅。芳

生小者謂之芋。燻。夏溪筆談。人有為蜂螫者。按芋梗

傳之則愈。海錄。閩阜山僧勤種植收芋甚多。梓之如

泥造擊為牆。後遇飢數十日俱活。呂祖謙游錄。木

草謂芋益氣充飢。惠州富此物。然人食之者不免瘴疔

非芋之罪也。芋當去皮濕紙包煨之。火過熟。少熱噉之

則鬆而膩。乃能益氣充飢。今惠州人皆和皮水煮冷啖

堅頑少味。其發瘴固宜。

廣志。君子芋。大如斗魁。淡善。芋大如瓶葉如蓋

細色紫莖。又有百菓芋。雞子芋。車轂芋。鉅子芋。勞巨芋。

青澁邊芋。風土記。博士芋。蔓生根如鷓鴣卵。益部

方物略記。赤鷓芋。形長而圓。味最美。蠻芋。子繁衍。博異

芋品最下也。物類相感志。野芋。狀小於家芋。博物志

野芋食之利人。蓋蘇也。今江浙石生土芋。狀磊砢。自實

若天雷。頻則多生。若耕種欲取不得。名之若呼芋字。則

遠巡不見矣。本草。旱芋。山地可種。水芋。水田時之

酉陽雜俎。雀芋。狀如雀頭。置乾地反濕。置濕地反乾。飛

鳥觸之。墮獸食之。僵造酒家。以其汁封甕頭。曰奚頭。其

酒易醉。羣芳譜。香芋。形如土豆。而未甘美。煮熟可下

茶。後山詩話。本草。楮魁。注黃獨。肉白皮黃。巴漢人蒸

食之。江東謂之土芋。江西謂之土卵。類芋魁云。酉陽

雜俎。天芋。生終南山中。葉如荷而厚。

薯蕷

負暄雜錄山藥本名薯蕷。唐代宗諱豫改名薯藥。宋英宗諱曙改名山藥。孫真人千金方薯蕷生於山者名山藥。秦楚之間名玉延。藝文類聚吳氏曰薯蕷一名諸薯。異苑薯蕷入藥又復可食野人謂之土薯。若欲掘取嘿然而獲唱名者便不可得。清異錄淇薯藥種最大者號天公掌。次者號拙骨羊。又蜀孟昶月旦必素食性喜薯藥。左右因呼薯藥為月一盤。侯寧藥譜山藥曰銀條。德星。本草經薯蕷一名山芋。益氣力長肌肉除邪氣。曲洧舊聞虎頭巖在真君觀西巖北有一谷幽深而險道人沈天休言頃年採藥其中糧絕掘山

藥煮食見一藤引蔓甚遠而葉亦特大疑其非也。乃其掘之大如杜長數尺蓋亦山藥也。大莖可享半月戲日為玉柱。其後玉柱之名稱薯藥。山藥者利其易售皆冒玉柱之名。然其實不知本末也。物類相感志薯蕷江南人多植之手植則如手鉏鋤等物植之隨本物之形狀。硯北雜誌俗傳種山藥時以足佞之如人足

甘藷

南方草文狀甘藷薯蕷之類。葉如芋實如拳。有大如甌者。蒸食味同薯蕷。生朱厓海中。人不業耕稼。惟種甘藷。秋熟蒸曬切如米貯以充飢。名藷糧。外客至盛具牛豕膾炙而未薦以甘藷。若類粟然。海中之人壽百餘歲。緣

食甘藷故耳。〔廣志〕甘藷剝去皮肉肥白南方以當米穀賓客亦設之出交趾。〔徐玄扈〕甘藷疏。閩廣藷有二種一名山藷彼中故有之一名番藷有人自海外得此種海外人亦禁不令出境此人取藷絞入汲水繩中因得度海分種移植遂開閩廣之境兩種莖葉多相類但山藷植援附樹乃生番藷蔓地生山藷形魁壘番藷形圓而長其味則番藷甚甘山藷稍劣。〔清異錄〕嶺外多藷間有發深山遠谷而得之有數十斤者味極甘香人多自食未嘗貨於外本名玉枕藷又號三家藷。蔬譜甘藷一名朱藷一名番藷形圓而長本末皆銳質理膩潤氣味甘平無毒補虛乏益氣力健脾胃強腎陰與薯

蕷同功久食益人氣香生時似桂花熟者似薔薇露撲地傳生一莖蔓延至數十百莖節節生根一畝種數十石勝種穀二十倍。〔甘藷疏〕甘藷有十二勝收入多一也色白味甘藷土種中特為貴絕二也益人與薯蕷同功三也遍地得生剪莖作種今歲一莖次年便可種數十畝四也枝葉附地隨節生根風雨不能侵損五也可當米穀凶歲不能災六也可充籩實七也可釀酒八也可乾久收藏屑之旋作餅餌勝用餉蜜九也生熟皆可食十也用地少易於灌溉十一也春夏下種初冬收入數葉極盛草穢不容但須壅土不用鋤耘不妨農工十二也。

百合

吳氏本草百合一名重邁一名中庭一名重。醫生宛胸及荆山。清異錄天成中進士侯寧名百合為蒜。臈譜八閩志強瞿百合也俗呼倒仙又名玉手爐。戒菴漫筆百合有麝香珠子二種麝香者花甚香珠子者每葉有一黑子分百合八月中與種蒜同時同法。華夷花木考都波不知耕稼土多百合取其根以為糧。

茨菰

學圃雜疏茨菰古曰鳧茨種淺水中夏月開白花秋冬取根食味亞於香芋。物類相感志蒞實一名慈姑其苗直而葉三角側鏡若種之於水田一株十二實若年

歲之有閏則生十三子今人家池塘處處有之

荸薺

學圃雜疏荸薺即地栗種淺水吳中最盛遠貨京師為珍品色紅嫩而甘者為上。七脩類稿荸薺淹銅過夜即爛。

壺盧

詩豳風八月斷壺。註壺瓠也。小雅幡幡瓠葉。衛風齒如瓠犀。埤雅似匏而圓曰壺亦曰壺盧。古今注壺盧瓠之無柄者。本草壺酒器盧飯器此物各象其形故名俗作葫蘆。捫蝨新語中流失船一壺千金壺蓋瓠類也詩曰八月斷壺壺圓而善浮故腰之以渡水也。



風俗通八月秋穰可以殺瓠取其色澤而堅爾雅瓠  
 棲瓣邢疏瓣瓠中瓣也一名瓠棲人之齒美者似之  
 藁苑瓠亦瓠也瓠其總瓢其別名也劉氏類山青田  
 瓠大踰五斗剖之以水實中則成蜜世說陸士衡兄  
 弟初見劉道真道真初無言直問東吳有長柄葫蘆卿  
 得種來否南史徐文伯祖熙隱於秦望山有道士過  
 求飲畱一瓠瓠與之熙開之乃扁鵲鏡經一卷因精心  
 學之遂名震海內晉公遺語唐世風俗重葫蘆醬  
 盧氏雜說鄭餘慶清儉一日名客會食呼左右曰處方  
 廚家爛蒸去毛莫拘折項諸人相顧以為必蒸鵝鴨之  
 類良久就養每人前下蒸葫蘆一枚夢華錄京師八

月秋社人家婦女皆歸外家既歸卽外甥姨舅皆以新  
 葫蘆兒為遺俗云宜良外甥五雜俎市場中見葫蘆  
 多有方者又有突起成字為一首詩者蓋生時板夾使  
 然不足異也清異錄瓠少味無韻葷素俱不相宜俗  
 呼淨街槌農書瓠之為用甚廣大者可蜜煎作果可  
 削條作乾小者可作盃盞長柄者可作噴壺亞腰者可  
 盛藥餌瓠之為物繁然而生烹飪咸宜最為佳蔬種得  
 其法則其實碩大小之為壺杓大之為盃盞膚瓠可以  
 喂猪犀瓣可以灌燭舉無棄材濟世之功大矣埤雅  
 長而瘦上曰瓠短頸大腹曰匏匏苦瓠甘劉向九歎  
 匏蠶囊於筐篋注匏蠶匏瓢也學圃雜疏匏子瓜類

也大而扁者可食小而長作細腰者可玩瓠子瓠類也  
形稍長銳上豐下味似勝之 物類相感志 瓠瓠蔓生  
若牛踏土則苦不可食馬踏土以瓠盛酒冬月即煖夏  
月即冷今種瓠處得黍穰即烟死

瓜

**總論**

易 姤五爻以杞包瓜 詩 豳風七月食瓜 曲

禮為天子削瓜者副之巾以布 玉藻 瓜祭生環註上

環謂橫切之圓如環也 大戴禮 五月乃瓜乃瓜者治

瓜之辭也 說文 瓜象形也瓣瓜實也 元命苞 織女

星主瓜 稽含 瓜賦甘瓜普植用薦神祇其名龍膽其

味亦奇是謂土芝 爾雅 瓠其紹瓠郭注俗呼瓠瓜

為瓠紹者瓜蔓緒亦著子但小如瓠 邢疏 瓜之族類本

有二種大者曰瓜小者曰瓠此則其種別也而瓜蔓近

本之瓜必小於先歲之大瓜以其小如瓠故謂之瓠瓠

是瓠之別名 清異錄 瓜子最繁故名瓜為百子矣

龍魚河圖 瓜有兩鼻者殺人 埤雅 瓜性惡香尤忌聞

麝至一蒂不收 珍珠船 唐鄭注赴河中姬妾百餘盡

騎香氣數里逆於人鼻是歲自京兆至河中所過瓜盡

死一蒂不獲 清異錄 嘗因會客食瓜言最惡麝香坐

有延祖曰是大不然吾家以麝香種瓜為鄉里冠但人

不知制伏之術耳因求麝二錢許懷去後旬日以藥末

攪麝見送每種瓜一窠根下用藥一捻既結破之麝氣

撲鼻次年種其子名之曰土麝香。歲時記七月七日設瓜於庭中以乞巧有喜子布網於瓜土則為得巧。雷青日札七夕乞巧而陳瓜又刻鏤成花名曰花瓜。倦游雜錄山東鄉里好以醬漬瓜俗謂之瓜齏。清異錄瓜最盛者無踰齊趙車擔列市道路濃香故彼人云未至舌交先以鼻選。南史宋時齊武帝與到搗同從宋明帝射雉郊野渴倦搗得早青瓜與上對剖食之列仙傳服闋者往來海邊諸祠中見三仙人博賭瓜顧間使擔黃白瓜數千頭教令瞑目及覺乃在方丈山清異錄吳越稱雪上瓜錢氏子翁避暑取一瓜各言子之的數言定剖觀負者張宴謂之瓜戰。唐書四月帝

憶瓜明崇儼索百錢須臾以瓜獻曰得之緜氏老人中帝名老人問故曰埋一瓜失之土中得百錢云。五代史後周王羅嘗與客食瓜削皮侵肉頗厚羅意嫌之及瓜皮落引手就地取而食之。莊子朽瓜化為魚物之變也。

詩經月令孟夏王瓜生註王瓜色赤感火色而生爾雅鉤藤姑郭註鉤藤也一名藤姑一名王瓜正赤味苦蔓生葉似栝樓根似葛。學圃雜疏王瓜出燕京者最佳其地人種之火室中通生花葉二月初即結小實中官取以上供唐人詩云二月中旬已進瓜不足奇矣又一種秋生者亦佳閩中二三月間食入夏枯矣。草

木記絲瓜一名天羅絮又名布瓜。學圃雜疏絲瓜北  
種爲佳以細長而嫩者爲美。三輔黃圖邵平爲秦東  
陵侯秦破爲布衣種瓜青門外瓜美時人謂東陵瓜  
述異記吳桓王時會稽生五色瓜今吳中有之。格物  
論甜瓜畦種之葉大數寸實亦徑尺許有稜白者斑斑  
黃暈黃者斑斑青暈肉白光潔瓢黃色核如米糝而匾  
七八月熟味甜香。學圃雜疏甜瓜以香而小者爲第  
一作黃綠二色豈卽邵平所種五色子母瓜耶今涼州  
塞外作乾條遺遠人味極甘當是此種。爾雅黃菟瓜  
邢疏菟瓜一名黃苗及實似土瓜土瓜卽王瓜。爾雅  
果羸之實栝樓邢疏栝樓今齊人謂之天瓜。格物論

一種名稱瓜形類絲瓜色白味不及也一種各冬瓜大  
三尺圍長四五尺有毛綠色生自然白粉。學圃雜疏  
瓜之不堪生噉而堪醬食者曰菜瓜以甜醬漬之爲蔬  
中佳味其結實大者無如冬瓜味雖不甚佳而性溫可  
食南瓜雖有奇狀殊色僅堪煮食醃無意味。農桑通  
訣浙中一種陰瓜宜陰地種之秋熟色黃如金疑卽南  
瓜也。裴淵廣州記有瓜冬熟名金釵。杜詩注蒲鵠  
青謂瓜也。清異錄洛南會昌中瓜圃結五六實長幾  
尺而極大者類蛾綠其上皺文酷似蠟形圃中人連蔓  
移土檻貢上命之曰御蟬香把腰綠。陸機瓜賦夫其  
種類則有括萋定桃黃瓠白搏金銀密筍小青大班玄

軒素腕。狸首虎蟠。東陵出於秦谷。桂譚起於巫山。廣  
志。凡瓜之所出。以遼東。廬江。燉煌之種。為美。有鳥瓜。魚  
瓜。縑瓜。狸頭瓜。密箭瓜。女臂瓜。瓜州大瓜。如斛御瓜也。  
青燈瓜。一名魁瓜。大如三斗。桂枝瓜。長二尺餘。蜀地有  
溫良瓜。秋泉瓜。廣雅地芝瓜也。其子謂之賺。音龍蹄  
虎掌。羊散。兔頭。桂枝。密箭。瓠瓠。狸頭。白瓠。無餘。縑瓜。屬  
也。物類相感志石瓜出峨眉。山巖壑中。或云蔓生。其  
支斑然。一若小菜。瓜形。取療脚氣。用之。足下乘碾得暖  
則能已氣疾者也。事物紺珠瓜肉曰瓠。瓜子曰犀。有  
番瓜。香瓜。生瓜。桑皮瓜。本草經水芝。是白瓜。甘瓜。  
清異錄。夷門瓜。品中。澱脚。綃夾。鶉。其色香味可魁本類。

也。格物論一種純青。大者徑四五寸。長八九寸許。肉  
亦帶微青色。一種一握而青。長亦四五寸。名曰握壽。  
異瓜黃庭經注。大霍山下有洞臺。司命君之府也。中  
有神盤。靈瓜。食之心通至玄。漢武內傳西王母謂上  
元夫人曰。共過朱陵山。食靈瓜。憶此未久。已七千歲矣。  
南岳夫人傳真人降設絳寶靈瓜。六帖積石山瓜。  
三年一熟。又大。食國有尋支。瓜大者十人食之。乃盡。  
洞真記龍肝瓜。長一尺。花紅葉。素生於冰谷。所謂冰谷。  
素葉之瓜。瓜上恒如霜雪。刮嘗如蜜。萍拾遺記漢明  
帝時。燉煌獻異瓜。各穹隆。長三尺。而形屈曲。味美如飴。  
本是崆峒靈瓜。四劫一實。西王母遺種於此。清異錄

遼東一處有瓜若澆沃則以酒代水實成破為十服若  
屐中止有一子而長數寸食一顆可作十日糧國人珍  
之名獨子青拾遺記崑崙第三層有瓜如桂謂如桂樹也

杜陽編滄洲產分蒂瓜長二尺色如柑一顆二蒂

續漢書漢安帝時有瓜異本同蒂共生六瓜時以為嘉

瓜舊唐書貞元四年夏有神策軍獻瑞瓜三蔓合為

一蒂而生三瓜白六帖李融為政有祥瓜生六子而

共一蒂

筍

詩大雅其藪維何維筍及蒲周禮醢人加豆之實筍蒲魚醢爾雅筍竹萌也又箠箭萌也邢疏即

筍也說文竹胎也唐詩注稚子即筍也筍譜筍

一名萌一名萌竹一名箠一名籬一名竹胎一名竹牙

一名茁一名初篁一名竹子埤雅俗呼筍為如母草

言筍旬有六日而齊母也筍譜俗呼筍為龍孫清

異錄余為筍效傅休夾作墓誌曰邊幼節陳景沂全

芳備祖穉龍籜龍玉版錦襴兒皆筍名也仇池墨記

竹有雌雄雌者多筍僧贊寧筍譜竹根曰鞭鞭頭為

筍俗謂之偽筍今吳會間八月鄉人往往掘土採鞭頭

為筍向市而鬻然終傷損春筍而且害竹母梁簡文

七勵雜金筍之甘蒲廣博物志瑤筍十年生一芽

木立虛四明山記雪竇山北巖有毛竹銀筍述異記

漢章帝三年子母筍生白虎殿前曲洧舊聞龍福寺門外東偏有脩竹二畝餘有鼠喜食其筍寺僧於筍生時置鼓晝夜鳴之謂之驚鼠鼓蜀都雜抄山水稱嘉定其地每月生筍廣志魏時漢中太守王圖每冬獻筍俗謂之箴筍箴苦筍譜採筍之法可避露日出後掘深土取之旋投密竹器中勿令見風以巾拭土不宜見水含殼沸湯淪之煮宜久採筍一日曰鶩二日日筍見風則觸本堅入水則浸肉硬脫殼煮則失味生著刃則失柔採而停久非鮮也盛而苦風非藏也揀之脫殼非治也淨之入水非洗也蒸煮不久非食也費元祿清課山中竹筍清遠韻勝實蔬食奇品澄羹作脯皆

失真性惟煨剝最良筍譜或問筍有五色章采否對曰江東黃筍閒居賦有青筍閩中賦有素筍赤筍錢塘多紫桂筍自餘斑狸細縹不可勝言大約不過青綠色笑林漢人有適吳吳人設筍問是何物曰竹也歸煮其牀簣而不熟乃謂其妻曰吳人輒欺我如此筍類吳都賦苞筍抽節劉涓子註苞筍冬筍也出合浦其味美於春夏時筍雷青日札冬筍之已透風有毛者曰貓兒頭陸璣詩疏筍皆四月生惟巴竹筍八月九月生始出地時長數寸鬻以苦酒豉汁浸之可以就酒及食南方草木狀思摩竹筍生節上筍既成竹春而筍復生節焉戴凱之竹譜筍味落人鬚髮

般。腸竹筍。殊味浮。竹筍未出時。掘取以甜糟藏之。極甘脆。雞脛竹筍。美青斑色。綠。齊民要術。筍。竹名也。其筍肥美。贊寧筍譜。郡竹筍。長節深根。冬夏皆生。鄉人掘土取筍。箭筍。十二月生。如筍大。長三四寸。箇箇筍自融。越以南。七月生。至八月盡。燕筍。其色紫苞。當燕至時生。天日筍。五月生。盡六月。筍色黃。出天目山。端午後方採。鬻竹。王林筍。密密冒土。南地熱。其筍多。冬生。孤竹筍。襄陽。薤山下。有孤竹。三年方生。一筍及筍成。竹竹母已死矣。代謝如春秋焉。旋味筍。一名苦蒲。筍出福州。南春生。筍煮食甚苦。而且澀。及停久則味還。故名。魚竹筍。生海畔。山有毛傷人。則死。泊船海嶼。慎勿取毛。筍食。筍竹。

筍長數丈。漢竹筍。一節可受二三斗。味雖甘而澀。筍筍。七月生。至十月出。緝雲以南。味苦而節疎。採剝以灰汁熟煮之。都為金色。然後苦味減而甘。鈞絲竹筍。下廣上銳。味甘可食。發病出南越。印竹筍。春生出。蜀中羅浮山亦有印竹筍。生又早。中實食美。慈母山筍。圓緻。三月生。可食。篛筍。皮青而肉暫白。渭川筍。四月方盛。新婦筍。出武林。山陰。三月生。篁筍。八月生。止十一月。皮黑紫色。其心實。人取細切。鹽漬。少頃以漿水漬。再宿。漚乾。餅藏。泥封。謂之筍。筍。此亦古之筍。菹也。擘摩。筍。南人亦藏之。為筍。筍。竹筍。堅大可食。自秋生。至於冬末。服傷。筍。四月已後。方出。味甚美。慈竹筍。四月生。江南人多以灰煮食。



之玳瑁竹筍。脫殼微有斑文。區竹筍。出廬山。出昔區。堪食水竹筍。出黔南。管內或巖下潭水中。生其筍。隨水深淺。以成節。若深一丈。則筍出水面。為一節。蠻蜒採取。以為食。又有篋筍。簡筍。白鳥筍。雲丘帝筍。毛竹筍。神異經。南方荒中有涕竹筍。甘美。煮食之。可以止創。癩。清異錄。海南島中一種。筍極厚。而甚短。號平頭筍。衡州人家竹林中。生五筍。微補。無節目。觀者神之。名通天筍。新羅論。迦邏島有筍。曰佛影。蔬。中國雖大。無此一種。正字通。杭州筍。大如桶。墜地即碎。南岳筍。黑而肥。多汁。搗成餅。乾食。天目廬山拳筍。小黃竹筍也。細珠櫻筍。狀如魚。一名木魚。又潭筍。鹿尾筍。鷹嘴筍。范旻邕管

証有鹿頭筍。顧岍海槎錄。酸筍。出粵南。大如臂。沸湯

泡去苦汁。投井水中。二三日。取出。縷如絲。醋煮可食。

陳藏器本草。諸筍皆發冷血及氣。不如苦筍。不發病。

詞林海錯。世傳涪翁喜苦筍。嘗從賦。老乞苦筍。詩云。南

園苦筍。味勝肉。坡翁嘗賦苦筍云。苦面有味。如忠諫之

可活國。於是世以諫筍目之。王象晉竹譜。淡竹筍。二

月食苦竹筍。五月食丹鉛續錄。扶竹之筍。名曰合歡。

桐總論 詳類 梓附楸

榆總論 名類 楊柳總論 楊柳

槐總論 名類 棟

格致鏡原卷六十三終 椿

格致鏡原卷六十三 蔬類 類

夫



檮

櫟

楓

杉

檀

檜

荆

椒

榕

楮

樺

卷六十六 木類三

女貞

阜角

櫻欄

桃榔

花欄

鐵力

諸木

格致鏡原卷六十四

木類二

總

說文木冒也冒地而生東方之行也逸雅木冒也華

葉自覆冒也白虎通木觸也陽氣動躍觸地而出也

元命苞木者陽稍生於陰故水者木之母也其字八

推十為木八者陰合十者陽數周易巽為木坎其於

木也為堅多心艮其於木也為堅多節離其於木也為

科上槁注堅多心謂剛中也山木堅直故多節也陰含

氣故曰科科空也為日所乾故上槁禹貢兗州厥木

惟保揚州厥木惟喬洪範木曰曲直曲直作酸禮

記孟春之月盛德在水禁止伐木周禮山虞仲冬斬陰木仲夏斬陽木注陽木春夏生者陰木秋冬生者陽木生山南陰木生山北毛詩集於灌木注灌木者叢生之木也又南有樛木注木下曲曰樛爾雅瘿木附婁郭璞注謂木病疳偃瘦腫無枝條又枹適木魁瘿注謂樹木叢生根枝節目盤結塊磊又小枝上繚為喬注謂細枝皆翹繚上句者名為喬木又無枝為檉注檉櫨直上漢鄒陽傳蟠木根柢師古注蟠木屈曲之木也

詩經注枝曰條幹曰枚埤雅木臥死為翳立死為樛列子吾處也若槩株駒注李熙云槩豎也株駒樹本也崔譔曰槩株駒斷樹也六書故木中曰朱木心

紅赤因為朱赤之朱詞林海錯木細枝曰蔓雲仙友議山中有玉者木旁枝下垂謂之寶苗瑞應圖王者德化洽八方合為一家則木連理孝經授神契德至於草木則木連理京房易傳木同本異枝其君有慶鄰邑來附者吉水生於君屋上及朝廷其君聖子木玉而有寶其國有慶木生於城脅一圍以上長數丈此謂城強其君大昌晉中興徵祥說連理者仁木也或異枝還合或兩樹共合南齊書永明九年秣陵安明寺有古樹伐以為薪木理自然有法大德三字事物紺珠唐代宗時平江水中有天下太平之主六字宋太宗時瑞安民解木五片皆有天下太平字神宗時惠州

木有皇帝萬歲天下太平字徽宗時武義木有萬宋年  
歲四字永州民析薪兩邊有天下太平字高宗時虔州  
民毀敵屋折柱木理有天下太平時字 文山集真州  
樵人破一樹樹中有生成三字曰天下趙其字青而深  
春渚紀聞三衢毛氏庭中一木忽中裂而紋成衍字  
如以濃墨書染者體作顏平原書會其子始生因以名  
之後衍登第官至龍圖而終又晉江尤氏其鄰朱氏圃  
中有柿木高出屋上一夕雷震中裂木身亦若以濃墨  
書尤家二字連屬而上不知其數至於木枝細者破視  
亦隨枝之大小成字尤氏乞得其木作數百段分遺好  
事字體草勁健如王會稽書宋氏後以其圖歸尤氏云

留青日札餘杭徐第之斫後園樹破之中有上天大  
國四字類顏真卿書法皆木妖也亦文妖也 珊瑚鈎  
詩話客有獻李衛公以古木者云有異公命剖之作琵琶  
槽自然有文成白鶴 事物紺珠宋真宗時斷木文  
如點漆貫徹上下體若梵書又木有文成字一有北斗  
七星形一有佛手形一有蛇形又木有文如龍魚鳳鶴  
狀又木有文如墨畫雲氣峯巒人物衣冠狀又崇仙觀  
柱有文為道士形及北斗七星象 格古要論瘿木出  
遼東山西有樺樹瘿花細可愛少有大有栢樹瘿花大  
而粗凡瘿蓋樹之生瘡者也北有瘿子木多是楊柳木  
有紋而堅硬好作馬鞍轡子 五雜俎木之有瘿乃木

之病也而後人乃取其瘦瘠矻矻者截以爲器蓋有瘦而後有旋文磨而光之亦自可觀但有南瘦北瘦之異南瘦多楓北瘦多榆南瘦蟠屈秀特北瘦則取其巨而多盛而已余在燕市中見瘦杯有丈如斗者後在一室見以瘦木爲浴盆此以大爲貴也南方磊塊百狀或有自然耳可執小儻如雞子者此以小爲貴也政如北人賣大葫蘆種謂可以爲舟而南人乃取如栗大者爲扇墜人之好尚不同如此按劉子云榿楠鬱蹙以成緡錦之瘠則瘦木之見重自古然矣海槎餘錄黎山中樹木產各種香黎人不解取必外人機警而在內行商然積者解取之嘗詢其法於此輩曰當七八月晴霽遍

山尋覓見大小木千百皆凋悴其中必有香凝結乘夜月揚輝探視之則香透林而起用草繫記取之大率林木凋悴以香氣觸之故耳其香美惡種數甚多一由原木質理粗細非香自爲種別也建康實錄陳后主禱明二年初覆舟山及松柏林冬月出木醴后主以爲甘露之瑞俗呼爲雀餽續博物志南方有木瘠大如槩類鼻涕近人氣則閃閃動墮人衣袂震澤長語春秋書木冰漢書謂之木介又云木稼王荆公詩木稼嘗聞達官怕余在京師成化末親見之似烟非烟似雪非雪行道茫茫尋丈不辨草樹玲瓏皆成幡幢寶蓋小紺鬚髮盡成老翁父老云是謂木稼然其應不止達官而已

酉陽雜俎

珠崖一州其地無泉民不作井皆仰樹汁

為用 玄中記南方有炎山四月火生十二月火滅正

二月火不燃山但出雲氣而草木生枝葉至四月火燃

草木葉落如中國寒時行人以春月過此山下取此木

為薪燃之無盡時取其皮續之為火浣布 漢書晁錯

上書曰夫胡貉之地積陰之處也木皮三寸地寒故也

俞宗本種樹書凡木皆有雌雄雄者多不實可鑿作

方寸穴取雌木填之乃實 雷公炮炙論以桂為丁以

釘木中其木即死 庶物異名疏說文曰棗一作棗 棗

識也玉篇引書隨山棗木一名木識謂隨所至林木斫

其枝以認識其道 晉書玉濬為益州刺史伐吳造船

益州木 檉江而下 五雜俎宋時寢殿 材謂之檉

檉橫枋者人立其兩旁不相見但以手摸之而已今之

皇木徑亦逾丈其最中為棟者每莖價近萬金而昇拽

之費不與焉然川貴等崗中亦不易得也 左傳韓宣

子宴於季氏有嘉樹焉宣子譽之 唐書太宗嘗玩禁

中木曰嘉木也 遺史記聞錢鏐臨安人里中有大木

鏐幼時常戲其下後為吳越國王宴父老山林皆覆錦

各其木衣錦將軍 抱朴子山中樹能人語者非樹能

語也其精為之名雲陽又山中午日稱仙人者老樹也

白澤圖老木之精狀如黑狗無尾名彭侯可烹食

尸子木之精氣為畢方注火鳥 玄中記百歲之樹其

汁赤如血千歲之樹精為青羊萬歲之樹精為青牛  
 漢武故事上起神屋前庭植玉樹以珊瑚為枝碧玉為  
 葉華乎青赤以珠玉為之空其中如小鈴鎗鎗有聲  
 漢五行志哀帝建平三年十月汝南西平遂陽鄉樹仆  
 地生枝如火形身青黃色面白頭有鬚髮稍長大凡長  
 六寸一分京房易傳云王德衰下人將起則有木生為  
 人狀集異志晉劉曜時西明大內大樹風吹折經一  
宿樹忽變為人形髮長一尺鬚眉長三寸皆黃白色有  
斂手之狀亦有兩脚著裙之形唯無目鼻每夜有聲十  
日而生柯條遂成大樹枝葉甚茂顏真卿石柱記餘  
不亭侯孔愉墓在城下古木數株堅如鐵石故老相傳

云榆卒後龜銜巢木植於此至今號龜銜樹瀟湘錄  
 隋末長安城禁苑內一大樹冬月雪中忽花葉茂盛及  
 凋落後結實其子光明燦然如火之照焉數日皆化為  
 紅。蛺。蝶。飛去

松

格物總論松樹端柯多節皮極粗厚望之如龍  
 鱗盤根膠枝四時青青不改柯葉春二三月抽莖生花  
 結子曲洧舊聞東坡在海外因試潘道人墨取紙一  
 幅書曰松之有利於世者甚博松花脂茯苓皆長生其  
 節煮之以釀酒愈風痺強腰足其根皮食之膚革香久  
 則香聞下風數十步外其實食之滋血髓研為膏入滴



酒中則醇醞可飲其明為燭其烟為墨其皮上蘚為艾  
納聚諸香烟其材產西北者至良名黃松堅韌冠百木  
畧數其用於世凡十有一不是開居不能究物理之精  
如此也 一抱朴子千歲松樹四邊枝起上杪不長望而  
視之有如偃蓋其中有物或如青牛或如青羊或如青  
犬或如青人皆壽千歲 嵩山記嵩高山中有人松樹或  
百歲或千歲其精變為青牛為伏龜疾食其實得長生  
金陵記芳山有野人見一使者異服牽一白犬野人  
問居何地曰吾偃蓋山隨至古松下而沒松形果如蓋  
意使者乃松樹精犬乃茯苓耳 酉陽雜俎有怪  
松從前刺史每令畫工寫松必數株衰悴後因一客與

妓環飲其下經日松死 曲洧舊聞中嶽頂上松榦如  
插筆其間數株上巨下細枝柯如枯槎皮或剝落有半  
榮者僧指云此是嶽神為珪禪師夜移天將曉其鬼兵  
懼遽倒植之而去其言雖難信而其樹亦可怪也 吳  
地記松陽縣南臨大溪有松樹大八十一圍中空可容  
三十人坐取此以為名 王羲之遊四郡記永寧縣界  
海中有松門西岸及嶼上皆生松故名松門 述異記  
千年之松香聞十里外一名十里香 珍珠船蘇伯材  
奉議云凡欲松偃蓋極不難裁時當去松中大根惟留  
四旁鬚根則無不偃蓋 酉陽雜俎欲松不長以石抵  
其直下根便不必千年方偃 五雜俎凡松髡其頂則

不復長旁榦四出久即偃地矣京師報國寺有松七八  
株高不過丈許其頂甚平而枝榦旁出至十餘丈者數  
百莖天矯如游龍然寺僧恐其折每一榦以一木支之  
加丹堊焉好事者攜酒土其頂盤踞羣坐此亦生平所  
未嘗見也南史陶弘景特愛松風庭院皆植松每聞  
其響欣然為樂名山記松有兩鬣三鬣五鬣者言如  
馬鬣形廬山記西嶺松如馬鬣又葉五粒者服之長  
生羣芳譜松樹老皮名赤龍皮唐書李泌嘗取松  
膠枝以隱背名曰養和後得如龍形者因以獻帝廣  
志松取枝燒其上下承取汁名松髓其松樹皮上綠衣  
名艾納合衆香燒之其烟回聚清白可愛本草松脂

出隴西如膠者善一名松膏一名松肪味苦溫久服輕  
身延年松花名松黃羣芳譜松之滓液一名松秀一  
名松膠一名瀝青以通明如薰陸香顯者為勝老松皮  
肉自然聚者為第一勝鑿取及鍊成者根下有傷處不  
見日月者為陰脂尤佳抱朴子松樹三千歲其皮中  
有紫脂狀如龍形名曰飛節芝淮南子千歲之松下  
有茯苓上有兔絲十道記南嶽百里有福地松高一  
千尺而蕊甘仙人可餌相傳服食鍊行之人採此松膏  
而服不苦澁與諸處松別羣芳譜松節松之骨也質  
堅氣勁筋骨間諸病宜之

**補法**

漢官儀秦始皇上泰山風雨暴至休於松下因

木類 松

封其樹爲五大夫。東齋記事：秦始皇下泰山封其樹爲五大夫，初不言其爲何樹也。後漢應劭作漢官儀，始言爲松。蓋松栢在泰山之小天門，至劭時猶存，故知其爲松也。五大夫，蓋秦爵之第九級，如曹參賜爵七大夫，遷爲五大夫是也。後人不解，遂謂松之封大夫者，五故。唐人松詩有不羨五株封之句，蓋循襲不攷之過也。張勃吳錄：丁固夢松生其腹上，謂人曰：松字十八公也。後十八年，吾其爲公平。後果與夢符。韻府：晉法潛隱剡山，或問其勝友爲誰，指松曰：此蒼髯叟也。清異錄：張薦明隱樂山林，有古松十餘株，謂人曰：予人中之仙，此木中之仙也。陶朱新錄：伊陽深山中有黑松，山平

高四十里，其上皆大松，有二株尤大，一號大將軍，一號小將軍。大者圍三丈，小者圍一丈，木客取材於此，皆祭之以絹，政和間求明堂柱，而邑官以無中程者聞，既而有人告發云：大松不可出，小松可取也。乃命告者以官而令佐皆謫，已伐之，亦不可出，告者尋死。今獨大將軍尚在，而小者委於山間，惜哉。杭州志：於潛收嶺上有古松一本，盤錯奇怪，嘗見有兄弟鬩牆，欲訟於有司，夜行憇其下，暹明辨色相視，乃伯仲也。遂各悔咎，息爭而還，因名松爲木長官。視北雜志：鮮于伯機嘗於廢圃中得怪松一株，移置所居齋前，呼爲支離叟。朝夕撫玩以爲適。誠齋詩注：筠州人號夾道松爲涼徽樹。

名類

魯頌徂來之松

山海經大荒之中有方山上

有青松名曰拒格之松日月所出入抱朴子天陵假

蓋之松與天地長久周景式廬山記石門北巖即松

林也有數百樹松大皆連拱長近二十丈攢生絕崖上

南臨石門澗淵中仰視之離離如駢麀尾號麀尾松

山川紀異翊真觀在南昌府城西南觀有二松相去五

尺合為一幹號曰義松石湖詩注包山松多非種植

風吹松子自成謂之飛松南昌志建昌冷水觀壽松

一株盤屈奇古又名掛劍松相傳許遜故事獨異志

唐初有僧玄奘往西域取經一去十七年始去之日於

齊州靈巖寺院有松一本立於庭奘以手摩其枝曰吾

西去求佛教汝可西長若歸即此枝東向使吾弟子知

之及去年年西指約長數丈一年忽東指弟子曰教主

歸矣乃西迎之奘果歸得佛經六百部至今謂之摩頂

松唐書僕骨東境其地東北一千里有康河松木入

水二年乃化為石其色青謂之康于石有松文癸

辛雜識凡松葉皆雙股故世以為松釵獨括松每穗三

鬚而高麗所產每穗乃五鬚今所謂華山松是也李賀

有五粒小松歌西陽雜俎松今言兩粒五粒粒當言

鬚予私第大堂前有五鬚松兩株大纔如椀甲子年結

實味與新羅南詔者不別五鬚松皮不鱗中使仇士良

水磴亭子在城東有兩鬚皮不鱗者又有守鬚者不知

自何而得俗謂孔雀松三鬣松也李德裕言三鬣松與孔雀松別羣芳譜三針者爲栝子松七針者爲果松又有赤松白松鹿尾松學圃餘疏栝子松俗名別牙松歲久亦生實李德裕金松賦序廣陵東南有顏大師猶子舊宅其地則孔北海故臺余晚春遊眺忽睹奇木枝似樺松葉如瞿麥迫而察之翠葉金實燦然有光訪其名曰金松訊其所來曰得於天台乃求得一本列於平泉晁氏墨經墨用松烟松有數品大槩松根生茯苓穿山石而出者曰透脂松歲所得不過二三株品惟上上根幹肥大脂出若珠者曰脂松品惟上中可揭而起視之而明者曰揭明松品惟上下明不足而紫者

曰紫松品惟中上曠而挺直者曰義松品惟中中明不足而黃者曰黃明松品惟中下無膏油而漫若糖苴然者曰糖松品惟下上無膏油而類杏者曰杏松品惟下中其出歷青之餘者曰脂片松品惟下不其降此外不足品第酉陽雜俎洛中有魚甲松五雜俎建州谷道中有數松盤孳蹙縮形勢殊詭余嘗過之歎其於荒僻無能賞者又寸數武石碣表於道周大書曰戰龍松朱晦翁筆也遊茅山錄臥龍松根盤如龍枝如覆屋海錄碎事平江學中有寸題曰鼎足松其一也或云蘇子美嘗掌學命名也五雜俎楚中有萬年松長二寸許葉似側栢藏篋笥中或夾冊子內經歲不枯

取置沙土中以水澆之俄頃復活不知其所從出或云是老苔變成者然苔無莖無根而彼莖亦如松栢有根鬚數條未必是苔也。事物紺珠五。釵松。餘圓銳上聳望如浮圖一葉五釵。膚理綜纒。又塔松似杉而葉員細不能高重重偃蹇如塔。又石松生天台山石土如松高二二尺。南方草木狀。水松葉如檜而細長出南海土產衆香而此木不大香故彼人無被服者嶺北人極愛之其香殊勝在南方時。

**總論**

春秋運斗樞。玉衡星散為柏。山海經。白於之山其上多柏。埤雅。柏一名榭。柏性堅緻有脂而香故

古人破為暢白用以搗鬱。羣芳譜。柏樹聳皮薄肌。三月開細瑣花結實成毬狀如小鈴多瓣九月熟霜後瓣裂中有子大如麥芬香可愛。柏陰木也。木皆屬陽而柏向陰指西蓋木之有貞德者故字從白。白西方正色也。處處有之古以生泰山者為良。今陝州宜州密州皆佳。川柏亦細膩以為几案光滑悅目。圖經。道家多作柏葉湯常點益人。古柏葉尤奇。今益州諸葛孔明廟中有大柏木相傳是蜀世所植。故人多採收以作藥。其味甘香於常柏也。集仙錄。服柏便可絕粒。若山谷難求側柏只尋常柏葉但不近丘墓便可服之。石上者尤好。曝乾者難將。息旋採旋食。尚有津潤。易益人。列仙傳。

廣成子食柏實齒落更生 [崔實月令] 七月收柏實  
 范子計然柏脂出三輔土價升七十 [清異錄] 同光中  
 秦隴野人得柏樹解截為版成器物置密室中時馨芳  
 之氣稍類沉水初得而焚之亦不香蓋性不宜火此淺  
 色沉耳 [水經注] 魯郡孔子舊廟有柏二十四株歷漢  
 晉其大連抱土人崇敬之莫敢犯 [寰宇記] 真源縣老  
 子堂前有雙柏樹左階之柏久枯煬帝大業十三年忽  
 從根生一枝聳幹三丈三尺枝葉青翠唐武宗二年更  
 生一枝直上五尺橫枝兩層枝葉相覆異於常樹 [從  
 征記] 泰山廟中柏皆二十餘圍夾兩階赤眉嘗斫一樹  
 見血而止今斧瘡猶在 [齊書] 王宴為員外郎父普曜

齋前柏樹忽變成梧桐論者以為梧桐雖有棲鳳之美  
 而失後周之節宴後果不能善終 [墨客揮犀] 壺山有  
 柏木一株長數尺半化為石半猶是堅木蔡君謨見而  
 異焉因運置私第余在蒲陽日親見之 [漢書] 東方朔  
 傳柏者鬼廷也 [師古注] 鬼神尚幽闇故以松柏之樹為  
 廷府 [風俗通] 墓土柏樹路頭石虎周禮方相氏入墟  
 殿颺像以其好食亡者肝腦不能當令方相立于墓側  
 而颺像畏虎與柏故樹柏立虎 [魏了翁] 經外雜鈔秦  
 始皇避雨封松為五大夫而樊宗師絳守園亭記后山  
 柏詩皆以柏為蒼官 [五雜俎] 嵩山嵩陽觀有古柏一  
 株五人聯手抱之圍始合 [一石刻] 曰漢武帝封大將

軍人但知秦皇之封松而不知漢武之封柏也。河南志嵩山天封觀有古柏三株唐武后封五品大夫蔭百餘步俗云大小將軍。

名類

拾遺記始皇起雲明臺得慈絜錦柏。抱朴子

大谷倒生之柏與天齊其長地等其久也。南齊書九

巖山後漢龍丘萇隱處也山多龍鬚柏望之五采。本

草乾陵之柏異於他處其木未有無文理者而其文多

為菩薩雲氣人物鳥獸狀極分明可觀有盜得一株徑

尺者可直萬錢關陝人家多以為貴宜其子實最佳也

西陽雜俎唐太常博士崔石云汝西有練溪多異柏

及暮秋葉斂俗呼合掌柏。賈氏談錄李德裕平泉莊

有珠子柏實皆如珠子連生葉上香聞數十步。崑山

縣志南宋時高麗進陰陽柏二株初僅二尺種之永懷

寺殿庭左右久之高與殿等每左花則右實右花則左

實。老學庵筆記真宗有龍柏花詩李文饒平泉草木

記有藍田龍柏宋子京又有真珠龍柏詩予未嘗見也

或云出邨坊間。地理志華山生文柏。廣志柏有續

柏有計柏。山海經斂山有木焉其狀如荆白華而赤

實名曰薊。音柏服者不寒。格物總論一種名側柏葉

大不相類如鋪茸細細相比。天中記龍女山多紫柏

華陽志云梁泉有紫柏坂。海錄碎事負霜柏一作宜

霜柏。方輿勝覽昭化驛有古柏士人呼桔柏。李德



裕柳柏賦序此郡有柳柏風姿濯濯宛若萋場而昌霜  
停雪四時不改花木考竹柏生峨眉山中葉繁長而  
澤似竹然其幹大抵類柏而亭直桂海虞衡志石柏  
生海申一幹極細上有一葉宛似側柏扶疎無小異根  
所附著如鳥爨大抵皆化為石矣此與石梅皆奇物海  
濱人常得之

楠附石楠

羣芳譜楠生南方故又作楠黔蜀諸山尤多其樹童童  
若幢蓋枝葉森秀不相礙若相避然葉似豫章大如牛  
耳一頭尖經歲不凋新陳相換花黃赤色實似丁香色  
青不可食榦甚端偉高者十餘丈粗者數十圍氣甚芬

芳紋理細緻性堅耐居水中子亦著材堅子白者材脆  
年深向陽者結成旋紋為鬪相楠鬪一作鬪格古要論鬪

花者價高四川亦難得香楠色黃而香故名宜刊牌扁  
博物要覽楠木有三種一曰香楠一曰金絲楠出川

崗中木紋有金絲向明視之的爍可愛一曰水楠色青  
而質甚鬆如水楊惟可作桌櫬之類六書故黃貫楠

宜雕刻為木偶者用之壽陽記黃金山有楠樹一年  
東邊榮西邊枯一年西邊榮東邊枯年年如此張華所  
云交讓樹者是也溪蠻叢笑蠻地多楠有極大者剖

以為舟五雜俎楠木生楚蜀者深山窮谷不知年歲

百丈之幹半埋沙土故截以為棺謂之沙夜佳者解之  
中有文理堅如鐵石試之者以暑月作合蓋生肉經數  
宿營之色不變也然一棺之直皆百金以上矣珍珠  
船真多市有楠木其竅若七星之狀李八百妹躡其竅  
而上仙後立星橋觀

**石楠**

格物總論石楠葉如枇杷有小刺凌冬不彫春

生白花秋結細紅實人多移植庭宇間陰翳可愛不透

日氣南方記石楠樹野生二月花色仍連著實實如

燕卵七八月熟人採之取核其皮中作肥魚羹和之尤

美出九真丹鉛總錄李白詩風掃石楠花曲阜古城

頭回墓上有石楠二株大三四十圍土人云顏子手植

之木太真外傳上發馬嵬行至扶風道旁花畔見石

楠樹愛玩之因目為端正樹蓋有所思也

**樟**

相如賦梗柁豫章師古注豫即枕木章即樟木二木生

七年乃可分別格物總論豫章大木也樹身數十圍

高十餘丈根盤枝錯榦聳枝膠皮厚而粗葉硬而滑香

烈味辛紋理爛斑南方多有之木譜豫一名烏樟

名枕本草陳藏器曰枕生南海山谷作舸船次於樟

李時珍曰釣樟即樟之小者莖葉置門上辟天行搜

神記吳先主時陸敬叔為建安郡太守使人伐大樟樹

不數斧有血出樹斷有物人面狗身從樹中出敬叔曰

此名彭侯。乃烹食之。花木考壽樟在建昌縣治南宋黃庭堅記項安世作壽樟亭初邑人李左司公懋任於朝高宗嘗問樟公安否奏以枝葉婆娑四時常青何萬幾之暇眷眷乎遐方一樟哉。明興雜記神木厥所苦大木皆求樂中肇建宮殿之賸物也其最巨有樟扁頭者圍二丈長臥四丈餘騎而過其下高可以隱近年覆花不時風雨震淋朽腐已侵半矣當時毀閣之用如扁頭類吾不知其幾。注樟木其頭扁者蓋當時穿之以施拖拽力也厥中惟此木最鉅守厥者特以樟扁頭呼之故入者必觀焉。荆州記山陽縣豫章木可伐作鼓額。酉陽雜俎樟木江東人多取為船船有與蛟龍鬪者

彙苑詳註按樟樹最大可鋸為桌面及為船熬其汁可為腦置水上火燃不熄結子可榨為油俗取其木以塑像江南多生之。胡演升鍊方樟腦用樟木新者切片并水浸三日夜入鍋煎之柳木枝頻攪待汁減半柳上有白霜即濾去滓傾汁入瓦盆內經宿自結成塊也。庶物異名疏博物志云占斯解狼毒李當之云是樟樹上寄生樹大銜枝在肌肉今以胡桃皮為之非真也按桐君采藥錄生上洛是木皮狀如厚朴色似桂白其理一縱一橫李時珍曰占斯范方注謂之良無極劉涓子鬼遺方謂之木占斯而別錄一名炭皮。

桑

總論

〔典術〕桑木者箕星之精神木也。蟲食葉為文章。

人食之老翁為小童。〔周易〕繫於苞桑。〔注〕苞桑言固也。

〔禮月令〕季春命野虞無伐桑柘。〔史記〕齊魯千畝桑。

其人與千戶侯等。〔格物總論〕桑樹大者數圍高一二

丈許。皮粗枝幹修竦。春正二月抽條發葉。葉大者盈尺。

有刻缺面深綠而光。〔俞宗本種樹書〕浙間植桑。斬其

葉而植之。謂之稼桑。却以螺殼覆其頂。恐梅雨侵損其

皮。故也。二年即盛。〔汜勝之書〕種桑五月取椹。著水中。

濯灑取子。陰乾之。肥田十畝。荒久不耕者。善好耕治之。

黍椹子各三升。三合和種之。黍桑俱生。鋤之。令稀疏。調

適。黍熟。穫之。桑生。正與黍高。下平。因以利鎌。歷地刈之。

曝令燥。放火燒之。桑至春生。一畝食三箔蠶。〔種樹書〕

桑以構接。則桑大。根下蘊龜甲。則茂盛。不蛀。〔呂氏春

秋〕伊尹之母居伊水之上。孕夢有神告之。日日出水。東

走無顧。明日視日。出水告其鄰。東走顧。其邑盡為水。身

因化為桑。有莘氏採桑。得嬰兒。空桑之中。獻之於君。君

令乳之。〔晉書〕永嘉二年冬。項縣桑樹有聲。如解材人

謂之桑樹哭。〔見聞錄〕南唐末年。溧水天興寺桑生。木

人長六寸。如僧狀。右袒而左。跪衣。袂皆備。其色如純漆。

可鑑。謂之須菩提。縣掾置龕中。以仁壽節。日來獻。烈祀

驚異。迎置宮中。奉事甚謹。〔五代史〕會同二年。契丹南

掠邢洛。磁至於安陽。河焚。剽殆盡。契丹見大桑木。罵曰

吾知紫披襖出自汝身吾豈容汝活耶東薪於木而焚之東都事略范純仁知襄城縣有惠愛課民種桑民號其桑為著作林河圖括地象有民食桑二十七年而化九年生翼本草桑根白皮出見地上名馬領勿取毒殺人桑根旁行出土上者名伏蛇治心痛桑花一名桑蘚一名桑錢生桑樹上白蘚非桑椹花也異花老桑木字曰子明

**名類**王盤農書桑種甚多不可徧舉世所名者荆與魯也荆桑多椹魯桑少椹葉薄而尖其邊有瓣者荆桑也凡枝幹柔葉堅勁者皆荆之類也葉圓厚而多津者魯桑也凡枝幹條葉豐腴者皆魯之類也荆之類根固

而心實能久遠宜為樹魯之類根不固心不實不能久遠宜為地桑然荆之條葉不如魯葉之盛茂當以魯桑條接之則能久遠而又盛茂也魯為地桑而有厭條之法傳轉無窮是亦可以久遠也荆桑所飼蠶其絲堅韌中紗羅用禹貢稱厥篚絜絲注曰魯桑之類宜飼大蠶荆桑宜飼小蠶齊民要術曰收椹之黑者剪去兩頭惟取中間一截蓋兩頭者其子差細種則成雞桑花桑中問一截其子堅栗則枝條堅強而葉肥厚將種之時先以柴灰掩揉次日水淘去輕秕不實者曬令水脉才乾種乃易生本草李時珍曰桑有數種白桑葉大如掌而厚雞桑葉細而薄子桑先椹而後葉山桑葉尖而長

以子種者不若壓條而分者黃省曾蠶經有地桑出於南海有條桑出於杭之臨平爾雅邢昺疏女桑一名椶桑今俗呼桑樹小而條長者為女桑樹詩幽風七月云猗彼女桑是也種樹書白桑得藺厚而堅絲每倍常桑葉生黃衣而皺者號曰金桑非特蠶不食而木亦將槁矣拾遺記員嶠山有木名猗桑煎椶以為蜜山海經宣山有桑大五丈其枝四衢赤理黃花青葉名曰帝女之桑郭註四衢言交互四出婦人主蠶故以名桑廣異記南方赤帝女學道得仙居南陽嘯山桑樹上正月一日銜柴作巢至十五日成或作白鵲或作女人赤帝見之悲慟誘之不得以火焚之女即昇天

因名帝女桑十洲記扶桑在碧海中上有天帝宮東王所治樹長數千丈兩兩同根更相倚依故曰扶桑仙人食其椶體作金色其樹雖大椶如中夏桑椶也稀而赤色九千歲一生實味之絕香齊書扶桑國在大漢國東二萬餘里土多扶桑葉似桐初生如笋國人食之實如梨而赤績其皮為布亦為綿為紙拾遺記窮桑者西海之濱有孤桑之樹直上干尋葉紅椶紫萬歲一實食之后天而老述異記空桑生大野山中為琴瑟之最者空桑也神異經東方有樹焉高八丈敷張自輔其葉長一丈廣六七尺名曰桑其上自有蠶作繭長三尺縱一繭得絲一斤有椶焉長三尺五寸圍如長

桑是偃桑但樹長大耳爾雅歷桑山桑注似桑材中

作弓及車轅唐書南詔永昌之西野桑生石上其材

上屈南向而下植取以為弓事物紀原雲桑密縣山

野生樹枝葉皆類桑但葉如雲頭花木藥細青黃色

附庶物異名疏本草云桑上寄生其實明目輕身通

神一名寄骨一名寓木一名宛童一名蔦陸璣云葉似

當盧子如覆盆子赤黑恬美圖經云寄生是烏鳥食物

落子枝節間感氣而生葉似橘而厚軟葉似槐皮而肥

脆三四月開花黃白色六七月結實黃色如小豆

格物總論 柘樹高大如桑枝條婀娜葉大如掌草木

柘宜山石蠶書柘葉飼蠶其絲作珠清異錄張曲

江里第之側有古柘嘗因狂風發其一根解為器具花

紋甚奇人又以公之手筆冠世目之曰文章樹古今

注柘實曰佳音本草奴柘生江南山野似柘節有刺

冬不彫葉可飼蠶

木棉附草本木棉

張勃吳錄交趾安定縣有木棉樹高丈餘實如酒杯皮

薄中有如絲棉者色正白破一實得數斤可作布羅

浮山記木棉正月則花大如芙蓉花落結子方生棉方

葉耳子內有棉甚白蠶成則熟南人以為緇絮丹鉛

木至金房卷之四  
總錄南中木棉樹大如抱花紅似山茶而蓋黃花片極厚非江南所藝者瑯琊代醉編續博物志云閩中多木棉植之數千株採其花可紡為布李商隱詩木綿花發鷓鴣飛王獻詩紙錢灰出木棉花舊云木棉即今之班枝花也棉花種為番使黃始所傳今廣中立祠祀之沈黃門炤曰番中有青黃白三種今特傳其白者耳張七澤梧蓀雜佩木棉一名瓊枝其高數丈樹類梧桐葉類桃而稍大花色深紅類山茶春夏花開滿樹望之爛然如綴錦花謝結子大如酒杯絮吐於口茸茸如細毳舊云海南蠻人織為布名曰吉其今第以充襴褥取其軟而溫未有治以為布者薄梧間亦多有之但土人

未嘗採取隨風飄墜而已王世懋閩部疏木棉花者高樹丹花若茶吐實蓬蓬吳中所謂攀桂花也楊用修具載丹鉛以為異曰雲南霑益州有之聞嶺廣尤多不知惠安志尸載此樹名為攀桂花楊乃曰班枝花與吳中攀枝花蓋三名實一物也花品不當綿花僅堪絮褥耳

草木棉

羣芳譜木棉春月以子種稍似木葉綠似

牡丹而小花黃如秋葵而葉單幹不貴高長枝最喜繁茂結實三稜青皮尖頂纍纍如桃北人呼為花桃熟則桃裂而絨現其絨如鷺毳較諸絲織雖不無少遜然而用以絮衣甚輕暖子如珠可以打油油之滓可以糞地



稊甚堅堪燒葉堪飼牛其為利益甚溥南方煥一種可  
活數歲中土須歲歲種之其類甚多江花出楚絨二十  
而得五性強緊北花出畿輔山東柔細中紡織絨二十  
而得四浙花出餘姚中紡織絨二十而得七更有數種  
曰黃蒂穰蒂有黃色如粟米大曰青核核青細于他種  
曰黑核核純黑色曰大衣核白而穰浮此曰種二十而  
得九黃蒂稍強緊餘皆柔細中紡織又一種紫花浮細  
而核大絨二十而得四時布製衣甚朴雅士紳多尚之  
又有深青色者亦奇種其傳不廣擇種須用青核等為  
佳或曰恐土脉不宜不思木棉始出南海諸國今何以  
遍中土也 正字通通雅曰吉貝即効貝木棉樹也古

無木棉種所謂絮皆繭絲唐有木棉花詩李琮詩腥味  
魚中墨衣裁木上棉是也南史古貝即吉貝古譌作古  
梁武有木棉阜帳似草者名古終一種斑枝花樹高大  
花中綿軟白可為縑絮及毛布俗呼攀枝花生中原者  
小今嶺南木棉樹高數丈春開紅花即攀枝之類也外  
國紡為布曰吉貝丘文莊鄧旰江皆謂元時入中國誤  
陶九成曰松江烏泥涇種木棉黃道婆自崖州來教以  
紡織此即今棉花實大如桃中有綿縣有白紫二色外  
國志劉宋元嘉時伽毗黎獻吉貝等物占城亦出吉貝  
又佛書謂之睽婆又曰迦婆羅効貝也即木棉樹時珍  
獨以為古貝據効貝當从吉貝為近孟康言閩中呼棉

花為吉貝 〔史〕昭釋文木棉江南多有之以春二三月  
下種既生須一月三薹至秋生黃花結實及熟時其皮  
四裂其中綻出如綿上人以鐵鏟碾去其核取如棉者  
以竹為小弓長尺四五寸許牽弦以彈綿令其勻細卷  
為筒就車紡之自然抽緒如線絲狀織以為布 〔松江  
府志〕凡木綿多收利倍於粟其為用擊花成絮紡之成  
紗織之成布其查核榨之成油俱切莫用其花以棉大  
核細者為佳經霜後開者謂之饑不實之矣花質方  
結尚青者俗呼花鈴子其方蓋未花者曰花盤穰之晚  
結無棉者曰僵囊 〔閩〕部疏昔聞長者言廣人種棉花  
高六七尺有四五年不易者余初未之信過泉州至同

格致鏡原卷六十五

木類二

桐

〔總論〕 〔瑞〕應圖王者任用賢良則梧桐生於東廂 〔禮〕  
斗威儀君乘火而王其政平梧桐常生 〔顏〕氏家訓有  
諱桐者呼梧桐為白鐵樹 〔清〕異錄同州郃陽縣劉靖  
家兄弟不異居西廊梧桐生穀枝鄉人號桐為小義  
〔酉〕陽雜俎歷城房家園齊博陵君豹之山池其中雜樹  
森疎或有人折其桐枝者君曰何為傷我鳳條自後人  
不復敢折 〔淮〕南子桐木成雲 〔注〕取十石瓮灌以水置  
桐其中蓋之三四日間氣如雲作 〔柳〕宗元霹靂琴贊

序琴莫良於桐桐之良莫良於生石上

坡云凡木本實而末虛惟桐反之試取其小枝削之皆

堅實如蠟而其本皆虛故世所以貴孫枝者實其實也

〔桐譜〕桐體濕則愈重乾則愈輕生時以斧斫之甚易

乾乃軟而拒斧諺曰輕是桐重是桐難斫亦是桐

〔虞古今注〕昭帝元鳳三年馮翊人獻桐枝長六尺九枚

枚一葉也

〔易緯〕桐枝濡毳而又空中難成易傷須成

氣而後華

〔周書〕清明之日桐始華不華則歲有大寒

〔蔡邕月令〕桐木後華故曰始

〔羣芳譜〕四月開花嫩

黃小如棗花墜下如醜五六月結子莢長三寸許五片

合成老則開裂如箕各曰棗鄂子綴其上多者五六少

者二三大如黃豆雲南者更大皮皺淡黃色仁肥嫩可

生噉亦可炒食

〔南方草木狀〕梧桐子似乳綴其棗多

或五六少或二三故飛鳥喜巢其中昔人謂空門來風

桐乳致巢是也

〔遁甲書〕梧桐可知月正閏歲生十二

葉一邊六葉從下數一葉為一月有閏則十三葉視葉

小處則知閏何月立秋之日如某時立秋至期一葉先

墜

〔鴻書〕世嘗言金井梧飄以葉上有黃圈文如井故

曰金井非井欄也

〔異苑〕吳平州門外忽生一株青桐

上有歌謠聲平惡伐之平隨軍北虜三載死桐忽自還

立故根上開空中似歌曰死樹今更青吳平尋當歸適

聞殺此樹已復有光輝吳尋歸

詳類

禹貢徐州貢嶧陽孤桐注特生也材中琴瑟  
 枚乘七發龍門之桐高百尺而無枝張景陽七命寒  
 山之桐出自太冥謝靈運遊名山志吹臺有高桐皆  
 百圍嶧陽孤桐方此為劣埤雅梧一名纒即梧桐也  
 今人以其皮青號曰青桐華淨妍雅極為可愛故多近  
 齋閣種之詩義疏梓實桐皮曰椅今人曰梧桐也有  
 白桐有青桐有赤桐雲南群荆人織以為布廣志驃  
 國有白桐木其華有白毳取其毳淹漬緝織以為布  
 華陽國志益州有梧桐木其華采如絲人績以為布名  
 曰華布埤雅賈思勰曰白桐無子冬結似子者乃是  
 明年之華房爾雅曰榮桐木即此是也桐木華而不實

故曰榮桐木也今亦謂之華桐華則以其華而不實賈  
 思勰曰桐華華而不實者曰白桐實而皮青者曰梧桐  
 今炒其實噉之味似菱芡桐有三輩青白之外復有岡  
 桐即油桐也生於高岡今亦謂之岡梧西京雜記上  
 林苑桐三椅桐梧桐荆桐陳翥桐譜紫花者名紫桐  
 花如百合實堪糖煮嚼白花者名白桐類穀花而不實  
 白者葉圓大尖長花先葉而開紫者理細性緊拔生不  
 及白花者之易一種油桐名膏桐實可壓油一種刺桐  
 文理細密性喜折裂花側剪如掌體有巨刺如櫨樹實  
 如楓一種類桐身青葉圓大而長高三四尺即有花花  
 色紅如火無實一種人家庭苑所植名梧桐皮白葉青

子可噉。羣芳譜白桐一名華桐一名泡桐葉三枚大  
徑尺最易生長皮色粗白木輕虛不生蟲蛀桐一名  
荏桐一名罌子桐一名虎子桐樹小長亦遲早春先開  
淡紅花實大而圓每實中二子或四子大如大楓子肉  
白味甘食之令人吐人多種之取子作桐油入漆海桐  
生南海及雷州近海州郡亦有之葉大如手作三花尖  
長青不凋皮若梓白而堅韌可作繩入水不爛。漢書  
西域傳車師國多胡桐。注孟康曰胡桐似桑而多曲師  
言曰胡桐亦似桐不類桑也蟲食其樹而沫出下流者  
俗名爲胡桐。淚言似眼淚也可以汗金銀工匠皆用之  
事物紺珠楊桐葉細冬青臨水生者尤茂寒食採葉

染飯色青而有光可資陽

梓附楸

事物原始按梓似桐葉小花紫無子者爲楸楸之白色  
而生子者謂之梓梓實桐皮曰椅大同而小異也。瑋  
雅梓爲木王蓋木莫良於梓故書以梓材名篇禮以梓  
人名匠也。禮斗威儀君乘火而王其政和平梓爲長  
生。玄中記凡梓木爲楹居下則木鳴謂之爭位。山  
海經玉山碧山多梓木雞山美梓。拾遺記始皇起雲  
明臺窮四方之珍木東得旣雲之梓北得陰坂艾梓  
搜神記宋康玉以韓朋妻美而奪之使朋築青陵臺然  
後殺之其妻請臨喪遂投身而死王令分埋臺左右焉

年谷生一梓樹及大枝條相交有二鳥哀鳴其上因號之曰相思樹 [列異傳]武都故道縣有怒特祠云神本南山大梓也昔秦文公伐之樹瘡隨合乃遣人持斧斫之猶不斷一人傷足不能去臥樹下聞鬼相與言曰秦公必不休若曰其知我何又曰赤灰跋於子何如乃默無言臥者以告令士皆赤衣隨所斫以灰跋樹斷化為牛以騎擊之騎不勝或墮地髻解被髮牛畏之入水

**楸** [齊民要術]白色有角者名角楸又名子楸黃色無子者為柳楸世人見其木黃呼為荆黃楸 [羣芳譜]楸生山谷間今處處有之與梓樹本同末異一種刺楸樹高大皮色蒼白上有黃白斑點枝間多太刺葉薄 [埤

雅]楸有行列莖幹喬聳凌雲華高可愛至秋垂條如線俗謂之楸線 [陸璣詩疏]楸楸屬其樹葉冰理如楸山楸之異者今人謂之苦楸濕時脆燥時堅今求昌又謂鼠梓漢人謂之棟 [爾雅疏]楸山楸也亦如下田楸耳皮葉白色亦白材理好宜為車板能濕宜陽共北山多有之 [本草]五加皮樹本是白楸其上有葉如蒲葉者其葉三花是雄五葉花是雌一名豺漆一名豺節俗者為追風使 [爾雅注]楸細葉者為楸老而皮粗皴者為楸小而皮粗皴者為楸 [埤雅]楸櫟也亦楸屬葉大而早脫故謂之楸葉小而早秀故謂之楸 [爾雅翼]九章望長楸而太息室屋之間有此木則餘材皆不復震其

葉可以飼豕肥碩三倍。述異記中山有楸。戶掌楸木者楸可爲什器。熙朝樂事立秋之日男女咸戴楸葉以應時序或以石楠紅葉剪刻花瓣撲插髻邊。楊慎外集汝州楸樹極多富鄭公知州時手植數百本於後園後人思其政建鄭公堂於楸林之下每立秋日太陽未升時采其葉熬爲膏傅瘡瘍立愈謂之楸葉膏。有人患發背腸胃可窺百方不差一醫者用楸葉膏傅其外又用雲母作小丸服盡四兩止不累日雲母透出膚外與楸葉膏相著瘡遂差。

榆

總論

運斗樞玉衡星散爲榆。

管子五沃之土其榆

條長。雜五行書舍北種榆九株蠶大得。齊民要術榆十五年後中爲車轂及蒲萄裝。北史桓帝魯中蠶嘔吐之地仍生榆參合陂土無榆時人異之。清異錄同州郃陽縣劉靖家兄弟不異居宅旁榆樹生桑鄉人號榆爲義祖。清異錄金鄉路上一老榆往來者就樹下易草屨例以其舊懸而去行人指爲鞞鞋樹。淮南萬畢術八月榆樗令人不饑。漢書天文志成帝河平元年早傷麥民食榆皮。春秋元命苞三月榆莢落。崔氏月令榆錢可羹又可蒸糕餌收至冬可釀酒。榆過曬乾搗羅爲末。中曝曬可作醬。卽榆仁醬也。北史魏時河南人常笑河北人好食榆葉及元杲

各文竟景卷之五木類 榆

反青州河北流人悉從之故齊人號之為諧榆賊

**名類** [廣志]有姑榆有郎榆郎榆無莢村人任車用至

善蠶者出渤海東光以供官 [庶物異名疏]周禮壺涿

氏云若欲殺其神則以牡樺午貫象齒而沈之牡樺榆

木也宋景濂謂許遜鑄鐵柱以鎮蛟穴即牡樺象齒之

遺意也 [爾雅]無姑其實夷注無姑姑榆也生山中葉

圓而厚剝取皮合漬之其味辛香所謂蕪蕪 [說文]榆

有刺莢曰蕪蕪又曰樅莖 [范子計然]蕪蕪出地赤心

者善 [埤雅]粉白榆先敷葉後著莢榆性扇地所扇各

與木等 [博物志]食粉榆則眠不欲覺 [羣芳譜]榆一

名零有數十種今人不能別惟知莢榆白榆刺榆榔榆

數種而已莢榆白榆皆大榆也有赤白二種白者名粉

木甚高大未葉時枝上先生瘡纍纍成串及開則為榆

莢生青熟白形圓如小錢故又名榆錢甚薄中仁有殼

榆莢開後方生葉似山菜莢葉而長尖稍潤澤 [事物

紀原]朗榆如榆皮有滑汁秋生莢 [鄭樵通志]櫟乃榆

類其實亦如榆錢鄉人採其葉為甜茶 [羣芳譜]櫟一

名櫟柳一名鬼柳多生溪澗水側木大者高四五丈合

二三人抱葉似柳非柳似槐非槐材紅紫作箱案之類

甚佳

**楊柳**

[說文]楊蒲柳也從木易聲柳小楊也從木卯聲



種樹書順插為柳倒插為楊。〔本草〕陳藏器曰江東人通名楊柳北人都不言楊楊樹枝葉短柳樹枝葉長李時珍曰楊枝硬而揚起故謂之楊柳枝弱而垂流故謂之柳蓋一物二種也。〔開河記〕煬帝開河成虞世基請用垂柳栽於兩隄上栽畢帝御筆賜垂柳姓楊曰楊柳也。〔詞林海錯〕陸龜蒙詩手携鞞鞞佞若在中印國鞞布頂反鞞大各反唐言楊柳也。〔荆楚歲時記〕今州里風俗望日祭門先以楊柳枝插門邊楊柳枝所指仍以酒脯飲食及豆粥插著而祭之。〔蜀都雜抄〕楊柳多寄生狀類冬青亦似紫藤經冬不凋春夏之交作紫花散落滿地省衙前有數株冬月望之榮枯各異。

〔周易〕枯楊生稊。〔注〕稊者楊之秀也。〔齊民要術〕楊性勁直堪為屋材寧折終不曲撓柳性懦軟久無不曲比之白楊不如遠矣。〔古今注〕白楊葉圓青楊葉長核楊圓葉弱蒂微風則大搖一名高飛一名獨搖又有赤楊霜降則葉赤材理亦赤白楊處處有之北土尤多種於墟墓間株大葉圓如梨皮白木似楊故名白楊。〔羣芳譜〕楊有二種一種白楊葉芽時有白毛裹之及盡展似梨葉而稍厚大淡青色背有白茸毛蒂長兩兩相對遇風則簌簌有聲。〔清異錄〕劉靖家兄弟不異居墳中白楊生檜鄉人號白楊為義孫。〔埤雅〕世重黃楊以其無火或曰以水試之沉則無火取此木必於陰晦夜無

一星則伐之為枕。不裂為梳。不積垢。〔彙苑詳註黃楊木理堅而細其色黃俗說歲長三寸遇閏則退一寸東坡詩云園中草木春無數唯有黃楊厄閏年〕  
〔酉陽雜俎青楊木出峽中為牀臥之無蚤〕  
〔羣芳譜青楊樹比白楊樹較小亦有二種一種梧桐青楊身亦聳直高數丈大者徑一二尺材可取用葉似杏葉而稍大色青綠其一種身矮多岐枝不堪大用〕  
〔事物紺珠松楊高大葉如梨又名涼木〕

**柳**  
〔埤雅柳柔脆易生之木與楊同類雖縱橫顛倒植之皆生〕  
〔大戴禮正月柳黃〕  
〔注黃發葉也〕  
〔神農本草經柳花一名柳絮〕  
〔草木狀柳宜下田〕  
〔齊民要術陶

朱公曰種柳千樹則足柴十年以後髡一樹得一載歲髡二百樹五年一周。〔中朝故事曲江池畔多柳亦號

柳衙。〔唐書王維別墅在輞川有柳浪〕  
〔景龍文館記

唐制上巳祓禊賜侍臣細柳卷云帶之免蠶毒瘟疫

三峯集李固言未第前行古柳下聞有彈指聲固言問

之曰吾柳神九烈君也用柳汁染子衣矣科第無疑果

得藍袍當以棗糕祀我固言許之未久狀元及第。〔宣

室志有人於古宅遇柳將軍者驗之乃一株枯柳爾

通志柳曰天棘杞柳亦曰澤柳。〔陸璣詩疏杞柳生水

旁樹如柳葉粗而白色木理微赤故今人以為車轂今

共北淇水旁魯國泰山汶水邊純杞也蒲柳有兩種皮

正青者曰小楊。其一種皮紅正白者曰大楊。其葉皆長廣似柳葉，皆可以為箭幹。故春秋傳曰：董澤之蒲，可勝既乎。  
古今注：蒲柳生水邊，葉似青楊，俗所謂楊柳也。亦曰梭柳，亦曰水楊。支勁韌，任大用。  
花木攷：金絲柳，出鳳縣。宋元豐間，有旨下鳳州，取金絲柳一百根，植宮中。  
詩話：漢苑中有柳，狀如人號曰人柳。一日三起三倒。  
南史：齊劉悛之為益州，獻蜀柳數株，枝條甚長，狀若絲縷。武帝以植於太昌靈和殿前，嘗賞玩，咨嗟曰：此楊柳風流可愛，以張緒當年。  
羣芳譜：其長條數尺，或丈餘，鳩鳩下垂者，名垂柳。木理最細膩，又一種幹小枝弱，皮赤葉細如絲縷，如柳可愛，一年三次作花，花穗長

二三寸，色粉紅如蓼花，名櫻柳。一名赤櫻，一名河柳。一名眠柳。一名觀音柳。一名長壽仙人柳。即今俗所稱三春柳也。  
爾雅翼：檉葉細如絲，天將雨，檉先起氣，應之一名雨師，或曰檉得水則垂如絲，故曰雨絲。譌為雨師。  
山海經：沃民之國有白柳。  
漢地里志：信都國扶柳注：其地有扶澤，澤中多柳，故曰扶柳。  
五雜俎：閩中有一種柳，其葉如松而垂長數尺，其幹亦與柳不類，俗名為御柳。夫詩人之味御柳，不過禁御中柳耳。此則別是一種而強名之者也。

槐

總論

春秋說題辭：槐木者虛星之精。  
周禮：燧人秋

格致鏡原卷之三 木類 槐

取槐檀之火淮南子槐之生也入季春五日而兔目十日而鼠耳更旬而始規二旬而葉成埤雅弱槐初生不能自立即於槐下種麻脅槐令長既植移而蔭之亭亭若一淮南子老槐生火天玄主物簿槐木生丹不復凋殘也木身潤滑常有香氣本草槐生河南可作神燭周禮三槐三公位焉注槐懷也言懷來人也春秋元命苞樹槐聽訟其下注槐之言歸也情見歸實也淮南子槐市學也樹以青槐中朝事述朝街兩畔植槐號為槐街古今注漢顧成廟槐樹悉設扶老鈎欄事物紀原漢元帝末兗州刺史禁民私立社山陽棗茅鄉社有大槐樹吏伐斷之其夜樹復自立

英故處華虞連理槐領東官正德之內承華之外槐

樹三株連理而生二幹一心以蓄本根李公佐南柯

記淳于芬居廣陵郡所居宅南有大古槐一株貞元七

年芬夢槐安國王來邀為駙馬領南柯郡既覺尋槐下

穴有蟻數斛中有大蟻處之是其王矣即槐安國都也

又窮一穴直上南枝亦有羣蟻即生所領南柯郡也

清異錄崔鳳蹉跎失志洛南天觀嶺幽雅常陪友生

夏月招涼於古槐下戲曰予不登九品此槐不得為手

版想亦助不平也是後朋從呼槐為不平生清異錄

懿宗時求老槐於城北筆頭谷李殊莊亦不尋百年矣

樹腰刻小字一曰錦心氏一曰繡腹郎云殊之祖愛甚

故刻記之

南部新書都堂南門道東有古槐垂陰至

廣或夜聞絲竹之音則省中有入相者俗謂音聲樹

彙苑詳註宋邇英閣雙槐如龍風動槐龍舞西陽雜

俎西夏無槐惟夏州有一株或要槐葉移膠取羣芳

譜槐四五月開黃花未開時狀如米粒採取曝乾炒過

煎水染黃甚鮮其青槐花無色不堪用七八月結實作

莢如連珠中有黑子以子多者為好抱朴子槐子服

之補腦令人髮不白而長生顏氏家訓梁庾有吾常

服槐實年九十餘目看細字鬢髮皆黑盧氏雜說唐

裴晉公度在相位目有人寄槐瘦一枚欲削為枕時郎

中庾威世稱博物召請別之庾持玩良久白曰此槐瘦

是雖樹生者恐不堪用蕃木考華州三家店西北道

邊有槐甚大蔥鬱周迴可蔭數畝槐有瘦形如二豬相

趣奔走其迴顧口耳頭足一如塑者

三輔黃圖甘泉谷北岸有槐樹今謂玉樹根幹

盤峙三二百年木也楊震關輔古語云耆老相傳咸以

謂此槐即楊雄甘泉賦所謂玉樹青葱也國史纂異

雲陽縣界多漢離宮故地有樹似槐而葉細土人謂之

玉樹爾雅懷槐大葉而黑注槐樹葉大色黑者名為

懷爾雅守宮槐葉畫聶宵炕注槐葉畫日聶合而夜

炕布者名為守宮槐廣志葉細而青綠者謂之槐江

東有樹與止相反俗名合昏槐羣芳譜守宮槐一名

紫槐似槐。幹弱花紫。晝合夜開。又白槐似楸。而葉差小。槐有極高大者。材實重。可作器物。有青黃白黑數色。黑者為豬屎槐。材不堪用。西海舊聞。大隈山即莊子所謂具茨山也。山有具茨寺。其中產一種木。身幹枝葉皆如槐。三二月開花。色紅而細。俗呼為槐三香。亦有種圃中者。

棟

淮南子七月其出棟。棟實鳳凰所食也。爾雅翼棟木高丈餘。葉密如槐而尖。三四月開花。紅紫色。子可浣衣。故名棟。子生青熟黃。實如小鈴。名金鈴子。彙苑詳註。棟花開芬香滿庭。其實可以練。故名。爾雅翼鳳皇白獬

薦皆食棟。而蛟龍特畏之。其材宜板。桔槔中尤宜。雲間郡志。管子五位之士種棟。又鳳凰非棟實不食。二十四番花信風。至棟花而終。其材輕且堅。可為犁轅。及牽

柏

羣芳譜。烏柏一名鴉。柏樹高數仞。葉似小杏葉。而微薄。淡綠色。五月開細花。色黃白。實如雞頭。初青熟黑。分三瓣。八九月熟。種之佳者有二。曰葡萄柏。穗聚子大而穰厚。曰鷹爪柏。穗散而殼薄。採柏子在中冬。以熟為候。榨取白油。以製燭。油類。玄中記。荊州有樹名烏。曰其實如胡麻子。擣其汁。可為脂。其味亦如豬脂。

椿

莊子上古有大椿者以八千歲為春以八千歲為秋  
羣芳譜椿一作樛一作枕一作櫛今俗名香椿長而有  
壽南北皆有之木身大而實其幹端直紋理細膩肌色  
赤皮有縱紋易起葉自發芽及嫩時皆香甘生熟鹽醃  
皆可茹世皆尚之五雜俎燕齊人採椿芽食之以當  
蔬亦有點茶者其物茁時甚珍之既老則植而蓄之南  
人有食而吐者然椿有香臭二種臭者土人以湯瀹而  
瀹之亦可食也考之圖經疎而臭者乃樗耳蓋二木甚  
相類但以氣味別之今人不復識認槩呼為椿也

樗

莊子吾有大樹人謂之樗其本臃腫不中繩墨小枝拳  
曲不中規矩羣芳譜樗亦椿類氣臭俗名臭椿一名  
虎目樹一名大眼桐皮粗肌虛而白其葉臭惡  
陸璣詩疏樗樹及皮皆似漆青色其葉臭  
本草椿木樗木  
舊不載所出州土今處處有之二木形幹大抵相類椿  
木實而葉香可噉樗木疎而氣臭膳夫熬去其氣葉亦  
可噉北人呼樗為山椿江東人呼為虎目葉脫處有痕  
如樗蒲子又如眼目故得此名夏中生莢樗之有花者  
無莢有莢者無花莢常生臭樗上未見椿上有莢者然  
世俗不辨椿樗之異故俗名為椿莢其實樗莢耳其無  
花不實木大端直為椿有花而莢木小幹多透矮者為

栲五行志漢成帝永始元年河南街鄧栲樹生枝如人頭眉目鬚皆具但無髮耳集異志後漢靈帝熹平三年右校別作中有兩栲樹皆高四尺其一株宿夕暴長長丈餘大一圍作胡人狀頭目鬚髮皆備具河洛記洛陽北山謂之切山其上無大樹鄒城之北嶺上有古栲樹不知其來早晚婆婆周迴四五畝在伊闕正南相當越公等將建都城之日據此樹以為南北定准嫌栲木名惡號曰婆婆羅樹

櫟

周祈名義考爾雅櫟其實栲絲矣曰櫟實橡也有栲彙自裹木雖堅而不堪斲林金櫟炭木是陸幾詩疏苞

櫟秦人謂柞為櫟河內人謂木蓼為櫟椒楸之屬也其子房生為栲木蓼子亦房生又栲今柞櫟也徐州謂櫟為栲其子為阜或言阜斗其殼為汁可以染阜今京洛及河內多言栲斗或云櫟斗謂櫟為栲五方通語也本草櫟有二種一種不結實者其名曰楸其木心赤一種結實者其名曰栲其實為橡六書故櫟冬不凋其實亦斗有黑心櫟白櫟綿櫟白櫟子尤細綿櫟以堅忍得名郡國志五雲溪歐冶子鑄劍處下有孤潭深而青有孤石聳出潭上有大櫟樹客兒與弟惠連作詩連句刻於樹上

楓



山海經黃帝殺蚩尤於黎山棄其械化為楓樹爾雅

楓攝攝注楓樹似白楊葉圓而岐有脂而香今之楓香

是說文楓木厚葉弱枝善搖一名攝攝三輔黃圖

漢宮殿中多植楓故曰楓宸至霜後葉丹可愛騷人多

稱誅之格物總論楓樹枝幹修聳葉分三角至秋杪

其葉皆赤簇簇如錦爛然可觀在在有之拾遺記頻

斯國有大楓樹成林高六七十里善算者以里計之雷

電常出樹之半其枝交蔭於上蔽不見日月之光其下

平淨掃灑雨霧不能入焉述異記南中有楓子鬼木

之老者為人形亦呼為靈楓蓋瘦癯也至今越巫有得

之者以彫刻鬼神可致靈異南方草木狀五嶺之間

多楓木歲久則生瘡癭一夕遇暴雷驟雨其樹贅暗長

三五尺謂之楓人越巫取之作術有通神之驗取之不

以法則能化去朝野僉載江東江西山中多有楓木

人於楓樹下生似人形長三四尺夜雷雨即長與樹齊

見人即縮依舊曾有人合笠於地明日看笠子挂在樹

頭上旱時欲雨以竹束其頭禱之即雨人取以為式盤

極神驗楓天棗地是也宋齊丘化書老楓化為羽人

一統志安福縣有楓木狀如神人面目歲旱以泥封

之則雨南方草木狀楓香樹子大如鴨卵二月花發

乃連著實入九月熟曝乾可燒惟九真郡有之爾雅

翼楓脂一名白膠香金樓子楓脂入地干歲為琥珀

杉 黏 樹 同

南方草木狀杉一名被黏。爾雅被黏注黏似松生江南可以為船及棺材作柱埋之不腐。格物論杉樹大者數圍高十餘丈紋理條直皮粗厚葉尖附枝生若針刺然青青不彫種蔣宜在山窠深處南方人造屋為船多用之出於東海中倭國者尤佳名曰倭木。格古要論杉木出四川廣西江西湖廣徽州等處俗呼曰參才。又曰檫木色白而其紋理黃稍紅有香甚清或云南蕃腦子香生此木中有花紋細者如雉雞斑甚難得花紋粗者亦可愛直理不花者多。溪蠻叢笑野雞斑枋板皆杉也不身為枋枝稍為板又分等則曰出等甲頭曰

長行曰刀斧皆枋也曰水路曰笏削曰中柱皆枋也。地志七星杉在麻姑山殿後嶺止圍二三丈高切葉漢橫列七株故以星名。遊名山志華子崗上紫杉千仞被在崖側。李時珍本草槲有赤白二種赤杉實而多油白杉虛而乾燥。事物紺珠赤油杉色赤而堅有油又名紫檫赤水樹。鄧元錫函史出紫油者曰油杉。演繁露爾雅毛詩傳皆云樅木則松葉栢身栢木則栢葉松身按栢葉松身乃今俗呼為絲杉者也。西京雜記太液池西有一池名孤樹池中有洲洲上黏樹一株六十餘圍望之童童如蓋故取為名。劉欣期交州記合浦東百里有一杉樹漢安帝永初五年春葉落隨風

飄入洛陽城其葉大常杉數十倍術士盛廉曰合浦東杉葉也此休徵當出王者帝遣千人伐樹役夫多死者華夷花木考被小而美者出於黔吉稱被出玉山世以為上饒而漢志歙有玉山未知孰是其本為什器凡案則明潔而宜漆爾雅曰櫛被按二物葉甚相類但櫛聳而被垂被又有佳實此為不同耳

陸璣詩疏檀木皮正青滑澤與繫迷相似又似駁馬駁馬梓榆其樹皮青白駁榮遙觀似馬故謂之駁馬故里語曰斫檀不諦得繫迷繫迷尚可得駁馬羣芳譜檀善木也有黃白二種江淮河朔山中皆有葉如槐皮青

而澤肌細而膩體重而堅狀與梓榆莢迷相似格古要論紫檀木出交趾廣西湖廣性堅新者色紅舊者色紫有蟹爪紋新者以水濕浸之色能染物作冠子最妙近以真者指粉壁上果紫餘木不然黃檀木最香今人多以作帶唐書單單在振州東南木多白檀遁甲開山圖河東有獨頭山多青檀可以為良弓廣雅青檀似奚榼語曰齊人所檀奚榼先漢書注攬檀檀別名便民圖纂一僧舍有大樹不知其名春時如枯夏月方萌每歲待黃梅過方始舒葉葉既開則水定極準一境農人憑以卜水候後一山可過見之云此望水檀也

檜

格物總論檜皮光葉尖硬如芒刺檜柏相半者名檜柏皆能結子柯葉青青四時不彫也羣芳譜曲阜孔廟殿前檜一株相傳宣聖手植紋皆左紐上聳無枝而不死每遇一代興或聖君出則發一枝五雜俎孔廟中檜歷周秦漢晉幾千年至懷帝永嘉三年而枯枯三百有九年子孫守之不敢動至隋恭帝義寧元年復生生五十年至唐高宗乾封二年再枯枯三百七十四年至宋仁宗康定元年復榮至金宣宗貞祐二年兵火摧折無復子遺後八十二年為元世祖三十一年故根復發於東廡頽址之間遂日茂盛翠色葱然至太祖洪武

二年己巳凡九十六年其高三丈有奇圍四尺許至弘治己未為火所焚今雖無枝葉而直榦挺然不朽不摧生意隱隱未嘗枯也太平記太清宮檜老子手植根株枝榦皆左紐遊名山記茹山玉晨觀門列古檜十四傳為許長史手植大逾合抱紋皆左紐若出人力此可以觀造化之巧近一株瘁仆人割其皮以去道士云左紐檜不止是三清殿前凡六老君殿前凡二藏殿茅君殿後皆有其一太平清話虞山至道觀有所謂七星檜者相傳為梁時物也今僅存其三餘則後人補植者而三株中又有雷震風擊者尤為詭異真奇觀也平泉花木記雁翅檜葉婆娑似雁翅也老學庵筆記

海檜。天矯堅瘦皆天成。又有刻削盤屈而成者名土檜。  
陳郁話映真廟朝寢殿側有古檜秀茂不羣名御愛。  
檜然橫礙殿簷真皇意欲去之一夕風雷轉摺其枝時  
以為瑞。花木考宣和後四年萬歲峯改名壽岳旁有  
兩檜一天矯者名曰朝日升龍之檜一偃蹇者名曰臥  
雲伏龍之檜皆玉牌填金字書之。海錄碎事平江學  
中有龍頭檜。蘇水檜。山堂肆考常州列帝廟有獨孤  
檜。穎州靈壇觀有再生檜。老學庵筆記亳州太清宮  
檜花開時蜂飛集其間作蜜極香謂之檜花蜜。  
荆  
春秋運斗樞玉衡星散為荆。格物總論荆小木叢生

枝莖婆娑葉刻缺粗澁荒坂洲渚間多有之又有所謂  
牡荆。山荆。杜荆等名不一而足。藝文類聚禮弓矢圖  
楚燬以荆為之然以灼正以荆者凡木心圓荆心方也  
廣志楚荆也牡荆蔓荆也赤莖大實者名曰牡荆  
漢郊祀志以牡荆畫幡如淳注牡荆荆之無子者本  
草牡荆一名黃荆一名小荆南方草木狀寧浦有三  
種荆金荆可作枕紫荆堪作牀白荆堪作履與他處牡  
荆蔓荆全異又彼境有牡荆取節不相當者日暈時刻  
之與病人身齊等置牀下雖危困亦愈。登真隱訣注  
梁天監三年上將合神仙飯奉勅論牡荆曰荆花白多  
子子粗大歷歷疎生不過三兩莖多不能圓或褊或異

或多似竹節葉與餘荆不殊蜂多採牡荆牡荆汁冷而甜餘荆被燒則烟火氣若牡荆體慢沐實烟火不入其中主治心風第一於時遠近尋覓不得猶用荆葉今之所有者云  
〔大業拾遺錄〕北景郡在林邑南有金荆生於高山峻阜大者十圍盤屈痛蹙文如美錦色艷於真金中夏時有於海際得之工人數用甚精妙貴於沉檀  
〔朝野僉載〕煬帝令朱寬征雷仇國還得金荆瘡數十片木色如真金密緻而文彩盤蹙有如美錦甚香極細可以為枕及案面  
〔事物紺珠〕藥荆莖葉似石楠六月開花紫白色葉有細黑點冬不凋  
〔孝子傳〕古有兄弟忽欲分異出門見三荆同株接葉連陰歎曰木猶欣聚

况我而殊哉還為雍和

椒

運斗樞玉衡星散為椒  
〔詩〕疏椒樹似茱萸有針刺莖葉堅而滑澤蜀人作茶吳人作茗皆合煮其葉以為香今成臯諸山間有椒謂之竹葉椒其樹亦如蜀椒少毒熱不中合藥也可著飲食中又用蒸雞豚最佳東海諸島上亦有椒樹枝葉皆相似子長而不圓甚香其味似橘皮島上麀鹿食此椒葉其肉自然作椒橘香  
〔埤雅〕椒似茱萸而小赤色內含黑子如點今謂椒曰西椒雜俎椒可以求水銀  
〔燉煌新錄〕虜蘇割刺在荅魯之石大澤中高百尋然無草木石皆赭色山產椒椒大如

彈丸然之香徹數十里每然椒則有鳥自雲際翩躚五色名翳爾鳥蓋鳳凰種也昔漢武帝遣將軍趙破奴逐匈奴得其椒不能解以問東方朔朔曰此天仙椒也塞外千里有之能致鳳武帝植之太液池至元帝時椒生果有異鳥翔集清異錄椒又名扁鵲銘蜀產者上葉屬木故青皮本火故赤花應土故黃膜垂金故白子符水故黑五行全足草中大丹服餌家重之通志椒曰陸機曰南椒生漢中者曰漢椒蜀中者曰蜀椒巴中曰巴椒山海經琴鼓之山其木多椒景山多秦椒范子計然蜀椒出武都赤色者善秦椒出天水隴西細者善本草蜀椒味辛溫逐骨節皮膚死肌堅齒髮調關

節耐寒暑久服頭不白輕身增年一名巴椒一名蒼藪一名胡椒一名含丸使者樹如茱萸有刺秦椒久服輕身好顏色耐老增年事物紺珠漢椒似胡椒而大黑色竹葉椒如川椒而毒熱本草蔓椒味苦溫無毒一名豕椒一名豬椒一名豨椒一名狗椒酉陽雜俎胡椒出摩伽陀國呼為味履支其苗蔓生莖極柔弱葉長寸半有細條與葉齊條上結子兩兩相對其葉晨開幕合合則裏其子於葉中子形似漢椒至芳辣六月採今作胡盤肉食皆用之真臘風土記胡椒纏藤而生纍纍若綠草子其生而青者尤辣本草胡椒大溫無毒味甚辛辣殺一切魚鱉蕈毒

榕

南方草木狀榕樹南海桂林多植之葉如木麻實如冬青樹幹拳曲是不可以為器也其本稜理而深是不可以為材也燒之無焰是不可以為薪也以其不材故能久而無傷其蔭十畝故人以為息焉而又枝條既繁葉又茂細軟條如藤垂下漸漸及地藤稍入地便生根節或一大株有根四五處而橫枝及鄰樹即連理南人以為常不謂之瑞木後山談叢蔡州壺公觀有大木世莫能名也高數十尺其枝垂入地有根復出為木枝復下垂如是三四重圍環列如子孫然世傳漢費長房遇仙者處木即縣壺者沈丘令張戣閩人嘗至蔡為余言

乃榕木也嶺外多有之其四垂旁出無足怪者彙苑詳註榕或作樛言材不中梓人用也有二種一種矮而盤桓初生如葛藟緣木後乃成樹其鬚著地復生為根一種名赤榕最為高大此二樹者為蔭最濃泉南雜志蕭西榕樹幹大如一間屋枝上有纏纏垂下者謂是根也其高參天枝葉蔭可三十餘丈相傳韓少卿國華為郡誕魏公日樹杪為止烟靄榕樹千年者其上生伽南香閩部疏榕賤木也至福州始多故以名城然至漳泉間更多而鉅扶疎旁出根如流蘇下垂著幹即抱負為一輪囷連拳好作怪狀其根盤地峻嶒蚪臥恒畝許多根故易茂而難拔不才故寡伐而長壽五雜俎



榕木惟閩廣有之而晉安城中最多故謂之榕城亦曰榕海云其木最易長折枝倒理之三年之外便可合抱柯葉扶疎上參雲表大者蔽虧百畝老根蟠拏如石焉木理邪而不堅易於朽腐十圍以上其中多空此莊子所謂以不才終天年者也閩人方言亦謂之松按松字古作窠則亦與榕通用矣

楮

漢郊祀志稷穀樹師古注穀樹楮樹也其子類穀故於稷種詩疏穀幽州人謂之穀桑或曰楮桑荆楊交廣謂之穀中州人謂之楮殷中宗時桑穀共生是也今江南人績其皮以為布又擣以為紙謂之穀皮紙長數丈

潔白光輝其裏甚好其葉初生可以為茹廣州記蠻夷取穀皮熟搥以擬託汁能寫金物類相感志楮膠可以團丹砂格物總論楮樹高丈餘大者數圍枝條修聳葉刻缺而澁有毛取其實可以練絹又為面藥以米泔灑楮亦能生菌也埤雅皮斑者是楮皮白者是穀有瓣者曰楮無瓣者曰構本草圖經楮有二一種皮有斑花文謂之斑穀今人用為冠一種皮無斑葉似葡萄作瓣而有子者其實初夏生如彈丸青綠色六七片漸深紅色乃熟抱朴子楮實赤者餌之一年老還少羣芳譜斑穀三月開花成長穗如柳花狀不結實又一種皮白無花葉有極父似葡萄葉開碎花結實如

楊梅用時但取葉有梗又有子者為佳入九月採實名  
楮。一名穀實。

楮

上林賦華楓梓櫨師古注華即今之皮耶弓者也。天  
業拾遺二年汾州起汾陽宮宮南外平林率是大樺木  
高百餘尺行從之武皆剝取皮覆菴舍。格物總論樺  
木似山桃皮上有紫黑花勻者用以裹鞍及弓韆又可  
以入藥用字亦作櫨。格古要論韆韉樺皮木出北地  
色黃其斑如采火微紅色能收肥膩甚難得裹刀韉為  
最今人以樺皮飾弓各樺皮弓又以襯靴。本草樺堪  
為燭取脂燒辟鬼。五雜俎樺木皮軟而中空若敗絮

為故取以貼弓便於握也又可以代燭余在青州持官  
炬者皆以鐵籠盛樺皮燒之易燃而無烟也。博物要  
覽樺皮畫家用以燒烟熏紙作偽古畫故亦名櫨。

格致鏡原卷六十五終

格致鏡原卷六十五 木類 樺

五

